

求恕齋  
叢書

水經注正誤舉例

二



水經注正誤舉例卷四

仁和丁謙纂述

吳興劉承幹參校

大遼水小遼水湏水

大遼水出塞外衛皋山東南入塞過遼東襄平縣西又

東南過房縣西又東過安市縣西南入於海

上經文

遼水亦言出砬石山自塞外東流直遼東之望平縣西

屈而西南流逕襄平縣故城西

故平州治

又南逕遼隧縣故

城西遼水又南歷安市

二字原脫

縣有小遼水共流注之遼

水右會白狼水水出右北平白狼縣東南北流西北屈

逕廣成縣故城南又西北石城川水注之水出西南石  
城山東流逕石城縣故城南北屈逕白鹿山西其水又  
東北入廣成縣東注白狼水白狼水北逕白狼縣故城  
東白狼水又東方城川水注之水發源西南山下東流  
北屈逕一故城西東屈逕方城北東入白狼水白狼水  
又東北逕昌黎縣故城西高平川水注之水出西北平  
川東逕倭城北又東南逕乳樓城北又東南注白狼水  
白狼水又東北自魯水注之水導西北遠山東南注白  
狼水白狼水又東北逕龍山西白狼水又北逕黃龍城  
東魏營州刺史治又東北濫真水出西北塞外東南歷重山又

東南入白狼水其水東南入海注上

酈

大遼水今日遼河其上游名西喇木倫西喇黃也木倫河也故亦曰黃河因與內地黃河混史書皆作潢河源出直隸圍場廳西北克什克騰旗西之興安嶺東北流合二小水經克什克騰旗南有拜察河自西南來注之又東經巴林旗南有二赤木倫河舊作哈喇木倫河合察罕木倫河自西北來會又東經翁牛特左旗右旗北有老哈河自西南來會水發源平泉州北黃土梁東北流經大寧故城東又東北經建昌縣北又北流英金河錫伯河卓遜河皆東流注之又北百爾

格河自西來注之又東北入於潢河潢河又東轉東  
南流經遼源縣北折南轉東與東遼河會水出奉天  
海龍府東平縣北平頂山曰赫爾蘇河北流經懷德  
縣西轉西北流又轉西南至遼源縣東南會西遼河  
合而南流經昌圖府西南入柳條邊經開原縣西又  
南至鐵嶺縣轉西南流經承德縣西境又西南至遼  
中縣城西又經海城縣西北渾河卽小遼水自東北來注  
之又西南至營口縣入於海此大遼水之源委也望  
平縣當在今開原地襄平卽承德縣房縣當在今遼  
中縣境遼隧故縣當在今三岔河司地安市今海城

縣上皆大遼水入塞後所經地雖古今異稱要可就水之流域按圖而稽惟上游所經塞外諸處經與注均未能知衛皋砮石古山名是否卽興安嶺無從證實蓋自漢晉以後其地爲東夷烏桓鮮卑所迭據中土人士不能跣足經行故彼土山川莫由審悉酈氏以白狼水混入大遼固屬詎謬要不能不爲之諒以魏土地記亦言白狼水下入遼也按白狼水爲大凌河之上游東南至義州入海東距遼河二百餘里安能與之相會但專就白狼水言所敘流行方位皆甚詳核使刪去遼水右會白狼水句別爲一段附於篇

後自無不可今攷大凌河出熱河建昌縣西南十心  
塔南連山水北流曰生機河漢廣成縣當在今犇牛  
屯地曰西北屈經其城南形勢脗合石城川今忒布  
克河出建昌縣南境山犄子卽石城山水東流經南  
平房村石城故縣當在此又東至哈喇沁左旗牧境  
入生機河白鹿山蒙古名布祜圖在旗東三十里俗  
稱五道嶺乃松嶺山脈之分支白狼山元一統志言  
在建州卽今建昌南二十五里知與白鹿山地陞各異蓋  
彼在生機河東故云河逕其西此則在河之西白狼  
故縣卽置山下故河逕其東酈氏謂白鹿山卽白狼



山誤生機河自經此縣遂稱白狼水方城川爲建昌  
城南之水卽候水高平川出建昌城西北倭城乳樓  
城故陘均當在此水濱二水合而東流卽古渝水漢  
地志注交黎渝水南入海是也酈氏不明水流地勢  
妄於篇末雜出渝水候水及檻偷水等皆顛倒複沓  
渝水東流經今大城子鎮入白狼水昌黎故城卽今

建昌縣治縣前漢名交黎後漢志作昌遼云故天遼  
北魏始曰昌黎按遼爲黎之轉音惟天遼

當是夫遼之誤故章懷後漢書  
注作夫黎寰宇記作扶黎也自魯水出朝陽縣西

北山南流至西平房村入白狼水龍山在朝陽南黃

龍城卽朝陽縣治濫真水唐書作托紘臣水遼史作

土護真河卽古徒河今稱圖爾根河又曰那拉特河  
爲白狼水之北源契丹古時居此別有專攷附新五  
代史中濫真水旣合白狼卽轉東南入柳條邊又折  
而南經義州南錦州東十三站南入於海

又按文獻通攷載唐貞觀二十一年李勣破高麗還

至頗利城卽夫黎之訛渡白狼黃崑二水怪其狹淺問契

丹遼源所在云此二水更行數里合而南流卽稱遼  
水更無遼源可尋知誤白狼水爲遼水唐初尙然齊  
召南水道提綱成於乾隆時且預修一統志輿圖典  
籍局中咸備乃亦不能攷正反爲酈氏作詞人因篤

內有一水東北入塞爲白狼水語遂以老哈河當之  
並謂濫真水卽遼水試問白狼遼水果能越山相注  
否且核其流行方位及郡縣古跡能一一符合否蓋  
二水之墮入雲霧久矣至張石州穆著蒙古游牧記  
始有定論耳○或疑遼河在契丹境彼土之人豈有  
未悉竟指渝水爲遼源不知契丹於遼水第稱爲西  
喇木倫而以渝水出昌遼遂目爲遼水此歷來致誤  
之由也

又元菟高句麗縣有遼山小遼水所出西南至遼隧縣

入於大遼水

上經文

縣故高句麗胡之國也水出遼山西南流逕襄平縣爲

淡淵此句原文倒誤又西南逕遼陽縣與大梁水會水出東南

原作西北流注小此字原脫遼水又西南逕遼

隧原作襄平誤縣入大遼原作水注上麗梁誤

小遼水今日渾河出奉天省東北英額台門外戈爾

敏朱墩山脈之西山脈東南之柳河縣卽漢時高句

麗縣遼史地理志韓州本藁離國治柳河縣藁離國

見魏略後漢書作藁離國誤藁離卽高句麗此爲古扶餘國屬

部國王有孽子朱蒙避難南入朝鮮自立一國亦曰

高句麗中土自來不能明其原委妄以此國與朝鮮

之高句麗混合爲一已於後漢書攷證詳辨之漢武

帝時滅朝鮮立元菟郡於其東境治不而縣

本沃沮地卽

今咸興府城嗣爲夷貊所侵廢之移郡治於遼東之

東卽所謂高句麗縣也小遼水所出在縣西界遼山

指戈爾敏朱墩山脈其水西流入柳條邊經英額城

西南又西南合蘇子河經承德縣南卽漢襄平縣又西

南至遼陽州西太子河自東南來注之卽大梁水也

又西南入大遼水人處卽漢遼隧縣地此段酈注多

錯誤倒置特訂正之

浪水出樂浪方縣西

原作東誤

南過臨浪縣西

原作東誤

入於

海上經  
文

許慎云泚水出鏤方西

原作東誤

入海一曰出泚水縣十三

州記曰泚水縣在樂浪東北鏤方縣在郡東蓋出其縣而逕鏤方也其水西流逕故樂浪朝鮮縣西至增地縣

入海

上酈注

按泚水有二說太史公之傳朝鮮也曰燕秦時已略屬其地漢興以遠難守修遼東故塞至泚水爲界班書因之是以鴨綠江爲泚水明甚迨後周隋二書始言其都城平壤南臨泚水則已指大同江爲泚水矣攷鴨綠江出咸鏡道甲山郡南太白山北北流合長

白山水折而西流，佟佳江由北來注之，又西南至平安道龍川縣入海。大同江出平安道寧遠郡東北山西南流，至慈山郡南成川江自東來注之，又西經平壤城至龍岡縣出急水門入海。二水源委各異，萬難混同。許氏漢人所言似應與史漢合，乃細核之，反與晉闕駟十三州志相符。皆確指大同江，不指鴨綠江。蓋鴨綠江源當出故元菟郡境，非樂浪境也。以此覈之，浪水縣當卽今寧遠郡地，鏤方在樂浪東，當卽今慈山郡地。朝鮮縣卽平壤城，增地縣卽龍岡臨浪縣。當在樂浪西南，惟難確指何地。至說文水經之言皆

東西易向殊爲可怪

濁漳水清漳水

濁漳水出上黨長子縣西發鳩山東過其縣南屈從縣  
東北流又東過壺關縣北又東北過屯留縣南潞縣北  
又東過武安縣南又東出山過鄴縣西又東過列人縣  
南又東北過斥漳縣南又東北過曲周縣東又東北過  
鉅鹿縣東又北過堂陽縣西又東北過扶柳縣北又東  
北過信都縣西又東北過下博縣西又東北過阜城縣  
北又東北至昌亭與虔池河會又東北至樂成陵縣別  
出北瀆又東北過成平縣南合清河又東北過章武縣



西又東北過平舒縣南東入於海

上經文

漳水出鹿谷山與發鳩連麓東有堯水梁水陶水均逕長子縣入漳漳水又東北雍水自西來注之又東北有

潞水三字補逕壺關縣西又屈逕其北注於漳水上三句原在陳

水下漳水又東北流絳水注之水出穀遠縣東東逕余

吾縣南又東逕屯留縣北又東北注於漳漳水歷鹿臺

山與銅鞮水合水出銅鞮縣西北東南流逕其縣北入

諫水南流合左右四小水入之銅鞮水又南流逕襄垣

縣入於漳水漳水又東北流逕襄垣縣南又東北有涅

水西出覆甌山東流五泉俱會謂之五會泉又東南武

鄉水會焉水出武鄉山南逕其縣西又東南注於湟湟

水又東南注於漳漳水又東至武安縣西南

原作東誤

清漳

水自涉縣東南來注之世謂之交漳口漳水又東逕三  
戶峽又逕武城南與枝水合水上承漳水與邯水會東  
北逕邯會縣西北注漳水漳水又東逕梁期城南又東  
逕斥丘縣北卽裴縣南漳水又東北逕斥漳縣南又東  
逕列人縣南右合白渠故瀆水出武安欽口山東南流  
逕邯鄲縣南又東故瀆出焉一水東爲澤渚東北通澄  
湖白渠南出歷邯溝縣東又東逕肥鄉縣北又東北逕  
列人會漳津今無水漳津故瀆亦斷流其瀆卽古衡漳

東北逕平恩縣西又逕南曲縣西又逕山周縣東又北  
逕鉅橋柢閣西鉅鹿縣東漳水又歷經縣西謂之薄落  
津又逕沙丘臺東又逕銅馬祠東又逕南宮縣西又北  
絳瀆出焉今無水故瀆東南逕九門城南又東南逕南  
宮縣北又東南逕繚城縣北又東南逕辟陽亭絳瀆又  
北逕信都城東連於廣川之張甲故瀆同歸於海衡水  
自堂陽縣分爲二一出石門謂之長蘆水蓋變列葭之  
名也東逕堂陽縣南又東逕九門陂又東逕扶柳縣南  
又東屈北逕信都縣西又北逕安陽城東又北逕下博  
縣東北流注衡水扶柳故縣在信都西衡水逕其西又

北逕昌成縣西又逕西梁縣東衡漳又東北逕桃縣北  
合斯洙故瀆斯洙水首受大白渠大白渠首受綿蔓水  
綿蔓水上承桃水水出樂平郡上艾縣東流逕靖陽亭  
南故關城也又北流逕井陘關下注澤發水東北逕常  
山蒲吾縣西又東北原作南誤逕桑中縣北又東南逕綿蔓  
縣北下通謂之綿蔓水水又東逕樂陽縣西右會井陘  
山水水東北逕陳餘壘又南逕樂陽城西東注綿蔓水  
綿蔓水又東逕烏子堰枝津出焉又東謂之大白渠大  
白渠水又東南逕關縣北又東爲成郎河又東逕宋子  
縣北又東逕敬武縣北又東謂之斯洙水枝津右出東

南流謂之百尺溝東南散流逕歷鄉東而南入泚湖東  
注衡水斯汶水東逕貫城北又東爲陽靡淵左納太白  
渠枝水俗謂之泚水水承大白渠於藁城之烏子堰又  
東逕肥曩縣南又東逕昔陽城南又逕安鄉縣南又東  
逕貫縣入斯汶水斯汶水又東逕西梁城南又東北逕  
樂信縣南又東入衡水衡水又北逕鄔縣東又逕下博  
縣西又逕迤東北逕樂鄉縣南又東列葭水注之漳水  
又東北逕武邑郡南又東逕武強縣北又東北逕武隧  
縣南白馬河水注之水上承葭池東逕樂鄉縣北饒陽  
縣南又東南逕武邑郡北而東入衡水謂之交津口衡

漳又東逕武邑縣北又逕東昌縣北又東北會虜池故

瀆衡漳又東北分爲二川水洸處名李聰渙衡漳又東

分爲二水左出爲向氏口衡漳又東當作東南此指逕

弓高縣北又東合柏梁滢水上承李聰渙東逕蒲領縣

南又東北會桑社津又東北逕弓高城北又東注衡漳

衡漳又東北會桑社溝溝東南通清河西北達衡水春

秋雨泛觀津城北二十里盡爲澤藪其瀆自觀津縣北

東南逕修市縣北東會從陂水南出逕修縣北其北出

者分二水皆東北逕弓高城入衡漳衡水東逕阜城縣

北樂成縣南又東逕建成縣南成平縣在其北衡漳又

東左會虜池別瀆又東北合清河又逕南皮縣之北皮亭而東北逕浮陽縣西又自章武縣西枝瀆出焉謂之滅水東北逕參戶亭分爲二瀆一水逕亭北又逕東平舒縣南右出爲澱一水北注虜池謂之滅口與漳水合流東注於海

上酈注

按畿南地形西多山嶺東爲廣大平原故諸水皆出西山流入平原東界又稍高仰中間自西南至東北勢最低窪爲各大河所爭趨往往一河徙而諸水隨之變異古今言水道者所以紛如亂絲也近有蘇君名莘作滹沱漳滏變遷說載入地學雜誌頗能鎔貫

史志揭要提綱閒有小誤可弗論

小誤如引漳合衛始魏武帝不在隋

時又大陸澤古書皆指寧晉泊非南泊又以平舒爲大城地位反背

此篇水經原文明

析簡當尙可見漢時故道迨酈亭作注漳水已遷移

乃舍其現行河槽

按漢志注引應劭說漳水出斥漳北入河蓋漳本出斥漳入河泊東

漢初大河南徙千乘漳遂獨行河水故道卽今稱老漳河者是也

而隨文敷衍故所

載衡漳以下大半乾涸無水要知漳水雖於內黃東

北分流入衛而斥工迤北尙爲此水正流何以衡漳

故潰竟云無水非於今工縣東境

卽古斥漳

流入老漳河

其水又何往乎至道元之所以致誤亦可於無文字

處見之夫魏武分漳合衛其渠口在廣平縣西南至



乾隆時尙未移改

見齊氏  
提綱

觀淇水篇言水至內黃東

北漳水注之下云又東北過館陶縣地勢甚明堪爲  
證據而本篇載利漕渠事於斥漳縣下殆認由此北  
行之水爲卽入衛之分流故於老漳河無一字及之  
也及酈注首敘衡漳已云無水是來源早斷豈至下  
游反有通流之理可見信都東北諸水並非衡漳乃  
南北二泊匯合所成今稱滏陽河或胡盧河者也而  
注以漳水衡水等名詞津津道之固已文不對題况  
自李聰渙向家口潰決南泛之餘波仍以衡漳目之  
豈禹貢衡漳亦至此決而南流乎甚矣其僣也惟自

後逕阜城成平以至平舒入海之水爲當時真正漳

水耳

卽老漳河下游

且酈氏通病在嗜博而無鑒裁如白渠

及各枝津皆古時溉田之溝洫載入郡邑志猶可敘  
內地全水而瑣屑及此如體例何矧正流已涸更於  
平地追述故渠徒眩耳目而已茲欲分清綱領特先  
敘衡漳正枝恐文繁不易貫澈首尾因分爲數段其  
旁入及分出各水另自爲段庶免混淆其主旨在攷  
明郡縣古跡今爲何地卽古水盡湮闕者亦可按圖  
而知矣按濁漳出發鳩山在山西長子縣西南東北  
流經其縣城又東北有潞縣水北流經壺關縣西又

一水由東南來繞壺關城北并注漳水注謂漳水逕壺關西而北則誤濁漳又北絳水由西來注之水出屯留縣西南盤秀山山與沁源縣連界卽古穀遠合三源東流經余吾鎮南又經屯留城北又東入漳此卽凍水酈於絳水外復出凍水誤漳水又北入諫水自西北來會提綱稱爲濁漳北源水出沁州北伏牛山東南流左右合五小水銅鞮水其一也銅鞮故縣當在水南注以銅鞮統八諫未協八諫水至襄垣縣南入漳漳水又東北武鄉水自西北來會水出榆社縣北杏榛山南流經縣西又南至武鄉縣西甲水河

自西來注之卽注之涅水涅縣故城當在水南此亦當以武鄉水統涅以武鄉水源較涅長也漳水旣合武鄉水又東南經黎城縣南又東至武安縣西南之交漳口與清漳水合漳水又東經三戶津及武城南邨會故縣北三地均在今安陽縣北境漳水又東至今成安縣東南卽分流東入進河處斥止在成安縣西今尙有故城址卽春秋公在乾侯地卽裴在斥止北今北漳堡地列人故縣在肥鄉東北又東北爲止縣卽漢斥章地地理今釋漳水至止縣又分二支一北行入大陸澤一爲經流東北行北行者卽本書衡

漳故瀆東北行者世所稱之老漳河也其時水皆東

北流故衡漳無水但酈注未分析言之不免疏漏此

段敘漳水來源衡漳故瀆又稱小漳河今已盡爲平陸大致

經肥鄉東北歷曲周雞澤平鄉又經鉅鹿南宮新河

以入胡盧河

今日溢陽河

又東北至衡水武強武邑獻縣

故宋丁度以胡盧河爲橫漳別名然究其實仍南北

二泊會集之水非眞衡漳蓋衡漳之來源早斷也所

經古地平恩爲館陶所分當在正縣西北南曲在平

恩北四十里今曲周縣東巨橋在鉅鹿今縣南漢鉅

鹿今平鄉縣也沙工臺銅馬祠均在今鉅鹿西南經

縣在今鉅鹿西薄落津在任縣泊東北今爲滏陽河  
道堂陽當在新河境扶柳在冀州西南信都卽今冀  
州昌成在堂陽北三十里今冀州西北境西梁在扶  
柳西北五十里今冀州北境桃縣當在衡水西南鄆  
漢地志作鄆魏地形志作鄆地當在桃縣北下博今  
衡水縣樂鄉當在饒陽南武邑郡以當時以邑置郡  
也武隧當在武強東北東昌在武邑東樂成卽今獻  
縣蓋此水自武邑東北始不循胡盧河舊道別向東  
南行其所以別行者以河至東昌與滹沱會惟滹沱  
水性湍悍胡盧河水反爲所遏退而南趨故一決於

李聰渙再決於向氏口但此乃後世之變局酈氏據以說衡漳故瀆謬矣且此與水經所敘之道亦異經言由下博縣東北過阜城當是漢時漳水正流至北魏業經淤塞而餘水泛濫多成爲湖本注所稱武强淵郎君淵柏梁澁等皆是二口旣決亦由諸湖中行以東達老漳河酈氏乃疑下博阜城考地非比真刻舟捫籥之見也又經言樂成陵縣別出北瀆酈謂縣無別出北瀆乃指滹沱別水不知北出之瀆卽滹沱本流今所稱子牙河也若其別水則因向氏口之決隨胡盧水東南行下文所云至成平縣東合於衡漳

者也至原文所敘改道情形最不明析特爲攷定庶

可見其一斑

此一段敘  
衡漳故道

決水旣南漫流武強武邑東

境及景州之西諸澤渚閒而歸入老漳河折東北行

經阜城交河舊滄州西北乃由今捷地減河東北至

岐口營入海所載古地弓高當在景州西蒲領在修

縣西北八十里今阜城南境修市在修縣北二十里

今景州西北修縣卽景州南觀津在武邑縣東南建

成今阜城東北建橋鎮成平今交河北皮亭在南皮

縣北五十里漢時地屬章武卽舊滄州甚確

故城在  
今滄州

東會典以爲天津誤浮陽以浮水之陽得名浮水今



石牌河明地志注滄州南有浮水可證浮陽故城當  
在鹽山縣北平舒當在興濟減河南參戶亭云在平  
舒西南五十里爲今滄州地濺水今母豬河濺邑卽  
青縣濺水東積爲淀俗稱大溝窪蓋石牌捷地母豬  
三河至此合併成泊又東南流至岐口乃入於海此  
段敘衡若夫旁入及分出之水稍有關係者凡五分  
漳歸宿列於下一白渠出今邯鄲西山有二源南曰渚北曰  
沁並流至縣城東而合正支東北入任縣泊所謂通  
澄湖者是也古人嘗引是水東至邯溝肥鄉等縣以  
資灌溉又東北至列入入漳但酈氏時已涸廢何必

贅述卅溝故縣在肥鄉西北漢肥鄉城在今縣西二  
十二里一絳水始見於南宮縣西北通典則云經縣  
界有枯絳渠其故瀆東南行轉北經冀州東散入澤  
渚遂連於張甲瀆東北入海所經古地九門城在南  
宮東南與常山所屬九門縣異地注云故縣也誤繚  
城縣漢志作繚縣又在九門東南安城信都鄉名當  
在今冀州南辟陽亭當在棗強西南澤渚者以當時  
冀州棗強武邑衡水諸縣東境皆屯氏河老漳河等  
水泛濫滯積而成者也廣川故縣在景州西今廣川  
鎮地張甲瀆上承屯氏河今漫東北經交河入海絳水

別有專攷一長蘆水酈注謂變列葭之名蓋言長蘆卽列

葭水也但以實地攷之殊爲臆斷按長蘆水爲衡漳之分支衡漳正流北入大陸澤又東出爲胡蘆河此支水由今新河縣南經南宮冀州境至衡水縣北仍合衡漳所載古地九門陂當在九門城地武陽據十三州志在扶柳東北故縣也今爲冀州西境餘均見前若列葭水出南和縣西南今曰澧水漢志南和縣注列葭水東入澧說文澧水出襄國東入澨又云澨水出襄國西山東北入寢襄國今邢臺縣澧卽達活泉水澨卽七里河皆入任縣泊漢地志注襄國西山

渠水所出東北至任入寢渠水卽濕水古人於任縣  
泊但名曰寢俗指爲大陸澤者誤也列葭水自發源  
北流入於南泊其長不足百里爲南泊所匯諸水中  
最小者旣入於泊卽再流出安能辨其仍爲原水且  
由南泊更入北泊合水尤多其東北出之胡盧河又  
何所據目之曰列葭乃於衡漳逕樂鄉南後云又東  
列葭水注之作引葭者尤謬已極支離況長蘆水自堂陽分  
支各行一道始終未與相合所謂變其名者何解雖  
然本書類此者實難僂指數也一曰斯浚水及綿蔓  
水斯浚水今曰浚河全氏謂斯浚水與浚水不可混非也出獲鹿井陘

交界方領山東南流會金河北沙河南沙河豬龍河  
等水至趙州西南與大白渠水會又東南經寧晉縣  
入大陸澤綿蔓水今日南川河出山西平定州西東  
流迤北由固關城南入塞合南來之沾河又東北合  
西由娘子關來之桃水又東北至平山縣北入滹沱  
河按斯浚縣蔓二水各有源委絕不相通因後漢開  
大白渠上引縣蔓下達斯浚故注云斯浚水首受大  
白渠大白渠首受縣蔓水也但酈於大白渠敘述不  
明致使閱者茫然特著專攷附後上艾漢縣初屬太  
原後屬常山北魏改屬樂平今爲山西平定州縣蔓

水上源有三北曰桃水出壽陽縣東東入娘子關至井陘縣東與縣蔓水合綿蔓水爲其中源一名澤發水今日南川河出平定州西南東北流經州城由固關南入塞又東與南源沾河合又北會桃水始名冶河井陘關在獲鹿縣西一名土門篇中旣以綿蔓水爲主宜先敘中源茲乃首載桃水致方位多所轉轆至脫漏南源指爲清漳水所出謬誤尤甚辨詳後篇漢蒲吾縣當在井陘縣東淤水鎮地故綿蔓水經其西與桃水會桑中侯國當在石邑縣稍北石邑今石家莊爲正太鐵路首站水由桑中東南流卽大白渠

分引之水非冶河全流也綿蔓縣卽獲鹿縣樂陽縣  
當在獲鹿東界關縣今欒城縣大白渠雖久廢欒城  
之北尙有斷港仍名冶河乃其遺跡成郎橋在縣東  
南成郎堡地宋子縣卽趙州敬武當在寧晉縣西大  
白渠久涸何況枝津姑攷其地烏子堰在藁城境百

川溝在東鹿西南藁縣當在寧晉東歷鄉當在百川

溝南肥纒爲肥子故都在藁城東昔陽爲鼓子故都

在晉州西下曲陽卽晉州

上三地今皆在滹沱北當時滹沱不知行於何地

安鄉在東鹿境西梁見前樂信當在衡水西界泲湖  
陽縻淵蓋大陸澤由東溢出之水泊當時土人稱大

陸澤及其東出之河皆曰泚水漢地志注石邑泚水  
東南至慶陶入泚房子石濟水東至慶陶入泚可證  
慶陶今隆平縣二水均由此入泚則泚指大陸澤顯  
然一白馬河河爲滹沱支流自藁城東鹿之間分出  
橫經深州武邑以入衡漳但衡漳合此水而不能容  
所以有李聰渙向氏口之決

絳水攷

絳水卽禹貢洛水後人說此水聚訟紛紜大抵尊古  
者主康成書疏信今者主卞明錐指余皆不以爲然  
蓋前說以共縣所出淇水爲絳夫淇雖出於共縣古



今無稱淇水爲共水者不足據一共縣列於班志謂國名孟康曰共伯入爲三公其爲周時封國固有徵矣何以知唐虞以前有此地名用以名水不足據二且禹貢北過泲水在至於大伾下而淇口實處大伾山西南不足據三至於音讀遷就猶不必論蓋崇尙漢學者無敢稍違師門舊說故申鄭者尤多若胡氏所言謂卽屯留絳水東入濁漳遂爲全水通稱漳與絳非二水也此則尤誤以上游一支流使可統稱全水則天下諸水無定名矣何禹貢載覃懷底績至於衡漳並不云至於泲水乎酈注言絳水出南宮西北

東南流至信都東散入澤渚連於張甲瀆入海獨不言其發源何地致後人疑邢州境內無此水形迹此拘墟之見也不知禹貢所記乃大河初導時情形當其時大陸中間均爲水所泛濫大略分爲三派其北曰衛卽滹沱次南曰恆今日滹河但此總十數水而言凡入寧晉泊者皆是舉恆水以概括之耳再南由任縣泊東北出者卽絳水蓋邢洺磁三州之水所匯集也大禹治河由黎陽北築隄逼水使行高地因藉大伾太行山脈爲東西兩面堅障故無潰決之虞河旣出峽勢若建瓴直注大陸其首過者實惟泒水攷說文水部泒水不遵其道也故孟子

曰泮水者洪水也蓋大陸以西瀦水旣多出海之路不能通暢致旁流不遵正道而大陸在畿南平曠低窪爲諸水所爭灌忽遇河水挾雷霆萬鈞之力直經其前不得不隨之東北趨以至於海泮旣就範亦從之行此大陸所以有旣作之功也此等大計畫大魄力非禹孰能爲之要其樞機全在載之高地四字高地者指大伾山西言非北之大陸皆高地也讀書者幸弗誤會漢賈讓作治河策欲挽北行復禹故道已爲文不對題何則禹時大陸爲諸水所佔導河過之有百利而無一害迨河患平而大陸作陂澤之境盡

化耕桑可再以大河衝突之乎或曰禹導大河北過  
泲水泲已隨河而行何以猶存故瀆且明地志注載  
枯泲水道尤詳曷故曰此播九河時遺跡也自禹河  
經大陸挾河西各水與之偕行惟河東所積餘潦尙  
瀾漫無出路故必審察形勢隨地疏泄使皆入海九  
河之播以此豈慮河力太强分之以殺其怒哉從前  
解說均不足信觀本書所載泲水故瀆由南宮東南  
下至張甲瀆入海其地並在大陸迤東情形顯見張  
甲瀆自屯氏河出下游所經卽古徒駭河道徒駭者  
九河之一也乃知禹播九河實以疏泄積潦爲主旨

不然河流由大陸東北至章武歸海而鉤盤簡潔以  
至徒駭等九河均在其南爲當日河流所不經旣爲  
河流所不經雖在至愚斷不欲多鑿引河虛糜鉅帑  
況神禹哉

### 大白渠攷

大白渠者對於前之白渠而言也唐書地理志注作  
太白渠渠已久廢無迹可尋然欲知斯浚綿蔓二水  
之貫通不能不攷其源委酈注但云斯浚水首受大  
白渠大白渠首受綿蔓水而斯浚水受大白渠於何  
地大白渠受綿蔓水於何地酈旣不言校注家亦無

一能證明之要知綿蔓爲入滹沱河之水斯浚爲入  
大陸澤之水不悉此渠所在安能明相通之樞機按  
劉昭注續漢書志蒲吾縣下引古今注曰永平十年  
作常山呼沱河蒲吾渠通漕船也此由蒲吾鑿渠引  
水之緣起綿蔓水本滹沱之支流故直以呼沱目之  
其流行之地則詳於唐地志注其獲鹿下云故井陘  
關一名土門關東北十里有大唐渠自平山至石邑  
引太白渠溉田又云自石邑西引太白渠入眞定界  
以溉田又自石邑引大唐渠東南流四十三里入太  
白渠觀此可見引綿蔓水之渠口在石邑縣西漢時

蒲吾北境也今名石家莊東與井陘關相近水既入渠繞由獲鹿縣北經正定府南界又東南至欒城縣南過趙州與西來之洙水會酈氏言大白渠水又東謂之斯洙水似渠水與洙水合後始別名爲斯洙然亦無他證由是以東經寧晉縣西南入大陸澤此自後漢至唐大白渠遺跡之約略可攷者也

清水淇水蕩水洹水

清水出河內修武縣之北黑山東北過獲嘉縣北又東過汲縣北又東入於河

上經文

黑山在縣北白鹿山東清水所出也上承諸陂散泉積

以成川西南流屈曲瀑布垂巖二十餘丈視不見底其  
水清冷洞觀謂之清水谿曰瑤谿南與小瑤水合又東  
南流吳澤陂水注之水上承吳陂於修武故城西北陂  
水南北二十許里東西三十里西則界溝水入焉有二  
源北水上承河內野王縣東北光溝爲長明溝分枝津  
東逕雍城南寒泉水注之溝水又東逕射大城北東入  
石澗東流蔡溝入焉水上承州縣北白馬溝東分謂之  
蔡溝東會長明溝水又東逕修武縣之吳亭北東入吳  
陂水次北有苟泉水入焉水出山陽縣故修武城西南  
又東長泉水注之源出白鹿山東南伏流重發世謂之



重泉水其水又南逕鄧城東謂之白屋水東南流注於  
清水謂之長清河次東又得焦泉泉出於天門山左次  
東有魚鮑泉張波泉三淵泉四川在重門城西竝南注  
城南有安陽陂次東有卓水陂次東有北門陂陂方五  
百步在共縣故城西共伯和故國也其水三川南合謂  
之清川又南逕凡城東又西南與前四水總爲一瀆曰  
陶水南流注於清水清水又東周新豐隰又東周新樂  
城又東逕汲縣城北三十里有太公泉清水又東逕石  
梁下又東與倉水合其水東南流潛而復出俗謂之霍  
水東南歷毋野有殷比干墓又東南入於清水又東南

逕合城南以淇與清合故名又屈東北注謂之清口卽

淇河口也

上屬注

清水今稱衛河謂其發源於衛地也修武在懷慶府

東黑山卽縣西北黑石嶺曰鹿山居其西卽太行山

發脈處清水正源今日馬方泉小瑤水卽靈泉二水

東流又有五里泉水北來注之

太平寰宇記引水經注云五里泉在修武

鄉今本脫漏

又南流始名清水吳澤陂水卽由大丹河分

出之枝津蓋古時引丹水東行築堰瀦之以資灌溉

陂今廢涸其地當在清化鎮東南漢儒注經謂卽禹

貢大陸考其形勢及本經上下文義無一符合謬矣

光溝指丹水分流處今稱小丹河與沁水篇可互證  
漢野王卽今河內縣雍城當在清化鎮地射犬城當  
在鎮東石澗有二南石澗在沁河北濱此北石澗也  
在射犬城東州縣漢屬河內郡當在北石澗東苟泉  
水今日榆樹溝漢山陽縣當在修武縣西長泉水今  
曰竹林泉卽晉竹林七賢隱處白屋水今日五峪口  
水在獲嘉縣北亦稱峪河焦泉出天門山左天門山  
今日蘇門在輝縣西北輝卽漢共縣北門陂亦稱柏  
門陂又曰百門陂今呼百泉在縣西七里凡城後漢  
郡國志作汎亭注云凡伯邑當在百泉南新樂城今

爲新鄉縣汲縣古城在今縣治西南太公泉比干祠  
均在今汲縣北倉水今日滄河在淇縣西境合城在  
今雙河鎮地淇河口今日淇門漢時清淇二水在此  
入河

淇水出河內隆慮縣西大號山又東過內黃縣南爲白  
溝屈從縣東北與洹水合又東北過館陶縣北又東北  
過清淵縣西又東北過廣宗縣東爲清河又東北過東  
武城縣西又北過廣川縣東又東過修縣南又東北過  
東光縣西又東北過南皮縣西又東北過浮陽縣西又  
東北過濊邑北又東北過鄉邑南又東北過窮河邑南

又東北過漂榆邑入於海

經上水

山海經曰淇水出沮洳山東北沾水注之水出壺關東

沾臺下與金谷水合水卽沾臺之西谿也東流注於淇

水淇水又東北與女臺水合又東北西流水注之又東

出山分爲二水立石堰遏水以沃白溝自元甫城東南

逕朝歌縣北又東屈曲逕頓丘北有泉源水合馬溝美

溝等水東南

當作北

注淇水淇水又南歷枋堰舊淇水口

東流逕黎陽縣界南入河漢建安九年魏武於水口下

大枋木成堰遏淇水東入白溝以通漕運故號其處爲

枋頭淇水又東北流謂之白溝又東北逕并陽城西又

北左合蕩水又東北流逕內黃縣南縣右對黃澤白溝  
自縣北逕戲陽城東又東北洹水從西南來注之又東  
北逕銅馬城西又東北逕羅勒城東又東北漳水注之  
謂之利漕口又東北逕趙城空陵城喬亭城西至館陶  
縣西屈逕其北又東北逕平恩縣東淇水又東過清淵  
縣西又歷縣西北爲清淵故縣又東北逕榆陽城北清  
河又東北逕廣宗縣南又東北逕界城亭東清河又東  
北逕信鄉縣又東北逕信成縣西又東北逕清陽縣西  
陵鄉西後漢縣治也又東北逕東武城縣西復陽縣西  
棗強縣西又北逕廣川縣南又東北逕歷縣南清河又

東北與張甲屯故絳瀆合又逕修縣南屈逕其東又東

北左與橫漳枝津合又東北逕修國

國乃市  
字之訛

故城東又

東北逕邸閣城東清河又東至東光縣西南胡蘇亭又

東北右會大河故瀆又逕東光縣故城西清河又東北

無棣溝出焉溝東逕南皮縣南又東逕新樂亭北又東

逕新鄉城北無棣溝又東分爲二瀆又東逕樂陵郡北

又東屈曲逕苑鄉縣南又東南逕高成縣南與枝瀆合

瀆上承無棣溝南經樂陵郡西又東南逕千童縣東又

東南屈北注無棣溝又東北逕一故城北又東北逕鹽

山東北入海清河又東北逕南皮縣西又北逕北皮城

東左會滹池別瀆又東北滹水故瀆出焉首受清河於  
縣界東北逕苑鄉城北章武縣北又東逕篋山北又東  
北逕柳縣故城南又東北逕漢武帝望海臺又東注於  
海清河又北逕浮陽縣西又東北滹池別瀆注焉又東  
北逕濊邑北濊水出焉又東北逕鄉邑南清河又東分  
爲二水枝津石出東逕漢武帝臺北又東注於海清河  
又東北逕紵姑邑南又東北逕窮河邑南東北至泉州  
縣北入滹池又東泉州水出焉又東逕漂榆邑故城南  
清河自是入於海

上鄆注

按洪水上游不獨水經與山海經所出之山各異卽



合併諸小水與今亦多不同據水道提綱淇水出山

西平順縣南

今屬潞安府

陵川縣東浙山二澗合曰浙水

東北流有花瓶山水自南來會又東北有壅水西北

自抱犢三壅紫團三山來會又東至玉峽關南有盈

盈水西北自平順東南來會東流入河南林縣境又

東南經六嶺山北又東南經淇縣西北有淇泉自西

南來注之又東經淇縣東境又東南與衛河合所載

與鄂刻地圖大致符合惟玉峽關東北尙有一桃花

水自西北來至合澗口入焉此卽酈注之女臺水也

林縣卽古隆慮縣白溝者漢時居民於淇縣北築堰

過水分其半東北流以溉田畝而淇之正溜則東南趨合衛水入大河迨漢末建安九年曹操築枋堰阻清淇入河使北注白溝以利漕運白溝遂爲運河中泓然時人仍以白溝稱之并陽城當在今內黃縣南蕩水詳後戲陽古城當在安陽縣西洹水今於安陽東南高隄鎮入衛銅馬羅勒二城當在大名縣境衛河至冠縣西北與漳水合蓋引漳入衛以利運亦魏武所爲建安十九年事也趙城等三地未詳平恩當在館陶縣北境清淵在館陶東北今清水鎮地榆陽當在臨清州界清陽今爲清河縣界城亭在臨清東

北陵鄉故縣在武城縣西南非平原東北之陵縣也  
復陽在武城西北三十里此棗強縣在武城西北五  
十里與直隸之棗強亦異廣川歷縣修縣均見濁漳  
篇張甲屯當在景州西南修國乃修市之誤在修縣  
北二十里亦見前邸閣城未詳胡蘇亭攷郡國志注  
在東光縣以禹時胡蘇河得名卽今宣惠河也橫漳  
枝津指漳河南決之水詳濁漳篇大河故瀆見河水  
篇五其瀆下游北與漳水合故與清河會於東光北  
無棣溝據此當出東光北界今亦并入宣惠河矣樂  
亭新鄉地未詳溝分二水今亦難攷樂陵郡今爲武

定府屬縣苑鄉爲高成縣屬城下有明文縣字係傳  
寫之誤高成今鹽山縣地千童縣當在今慶雲縣北  
界南皮縣北皮亭均見前滹池別瀆合處今在青縣  
北浮水今石碑河柳縣在高成北五十里今鹽山西  
北境濊邑今青縣濊水卽興濟減河漢武帝望海臺  
有二南臺在鹽山東北北臺在滄州東母豬港南紘  
姑窮河二邑均當在靜海縣境泉州今天津縣泉州  
水似卽海河南分出諸枝河後仍歸入海河者也漂  
榆邑當近大沽口未詳何地

蕩水出河內蕩陰縣西山東又東北至內黃縣入於黃

澤上水

經 圖山黃華谷北縣水東流穀入再出葦銀水

蕩水出縣西石尙山東流逕其縣故城南羨水出蕩陰西北韓大牛泉東流逕羨城北積水成淵東至內黃與防水會蕩水又東與長沙溝水合水出黑山北谷東流謂之宜師溝又東逕蕩陰縣南又東逕枉人山東北至內黃縣右入蕩水亦謂之黃雀溝其水又東逕內黃城

南東注白溝

上鄴注

蕩水今日湯河蕩陰縣亦改曰湯陰羨水出其縣北羨城卽古羨里在羨河鎮地宜師溝在縣之南今有宜溝鎮蕩本小水除羨水外所合乾溝細瀾均無足

攷惟云其水逕內黃南又東注白溝豈當時內黃別  
有一城在蕩水北耶然上淇水篇明言白溝北合蕩  
水又東逕內黃縣南何其自相矛盾且經言蕩水東  
北至內黃入黃澤酈注絕不提及其所云羨城北積  
水成淵旣非蕩水入處而地形亦不相符今澤已涸  
沒姑並志以存疑

洹水出上黨泫氏縣東過隆慮縣北又東北出山過鄴  
縣南又東過內黃縣北東入於白溝

上水經

水出洹山在長子縣也隆慮縣北有隆慮山縣有黃華  
水出神囷山黃華谷北瀑水東流潛伏再出葦泉水注

之水出林慮山北澤中合黃華水東入於洹水洹水出山東逕殷墟北又北逕斥丘縣西北東北流注於白溝又東枝津出焉東北流逕鄴城南謂之新河又東分二水北水西流注於漳南水東北逕高陵城南東北注白溝白溝上承洹水北絕新河逕高陵城東及北又東北注白溝洹水又逕內黃縣北東流注於白溝

上鄴注

按泫氏上黨屬縣後漢郡國志泫氏有長平亭爲白起阬趙卒處其地在今澤州府高平縣境酈言水出長子縣則在其北二縣與隆慮相距二三百里並非接壤且中隔太行水出彼閒豈能越山東注經注均

屬謬誤隆慮山名縣以山得名後改林慮今林縣也  
在彰德府西黃華谷在縣西二十里水東流經縣北  
又經安陽縣北又東稍南至內黃縣西與衛河合其  
所分枝津流行沿革姑弗細攷高陵城未詳古鄴城  
在安陽北四十里

沁水

沁水出上黨涅縣謁戾山南過穀遠縣東又南過猗氏  
縣東陽阿縣東又南出山過沁水縣北又東過野王縣  
北州縣北懷縣北武德縣南又東南至滎陽縣北東入

于河

上水經



沁水卽涅水也或言出穀遠縣羊頭山三源奇注逕瀉  
一隍又南會三水參差翼注又南逕猗氏縣東與羸羸  
水合又南與秦川水合水出巨峻山西南逕端氏縣故  
城東入沁沁水南逕陽阿縣西又南與濩澤水合水出  
城西白澗嶺下東逕濩澤又東逕濩澤縣南又東合清  
淵水又東合陽泉水水出鹿臺山東逕陽陵城南與黑  
嶺水合又南注濩澤水又東南注於沁水又東南陽阿  
水左入焉沁水又南逕石門謂之沁口又逕沁水縣城  
北又東右合小沁水又東倍澗水邗水注之又東逕野  
王縣北與丹水合水出上黨高都縣東北阜下東北流

屈而東注左會絕水水出洺氏縣西北東南流左會長平水東南與洺水會又東南入高都縣右入丹水丹水又南白水注之水東南流合天井關谿水又東南入丹水丹水出山逕鄴城西又南屈西轉光溝水出焉丹水又西逕苑鄉城又東南注於沁謂之丹口沁水又東光溝水注之水首受丹水東南流界溝水出焉又南入沁水又東南逕成鄉城北又東逕中都亭南合界溝水水上承光溝東南流長明溝水出焉又南注於沁水又東逕州縣北有白馬溝水注之水首受白馬湖上承長明溝湖水東南流逕金亭西分爲二水一東出爲蔡溝一

南注于沁沁水又東逕懷縣北沁陽城南而東注也沁水于懷縣南積而爲陂通結數湖有朱溝水注之水自縣西北枋口東南流入于陂陂水又直武德縣南至滎陽縣北東南流入于河

上酈注

按淮南子言清漳水出謁戾山而水經亦言沁水出謁戾山今按清漳與沁二水之源相距二百餘里蓋二源出處皆在太行西行之一枝自東北而西南山脈連亘不斷謁戾當是總名酈氏始覈其實謂出穀遠之羊頭山穀遠今沁源縣地但經係謁戾山於涅縣下殊誤而注言沁水卽涅水則因經之涅縣牽連

而誤也不知涅水見濁漳篇源流俱別安得混合爲  
一按沁水出山西沁源縣北緜山車家嶺東南流又  
一水出琴峪自東北來會合而南流有青果山水合  
馬圈溝東來注之迤西南有五龍川會澹河自西北  
來入之又南經古猗氏縣攷漢地志猗氏有二屬上  
黨者當爲陔氏與河東猗氏縣異故陘當在沁源縣  
西南西川河之南鸛鸛水今雕窠嶺谿秦川水今曰  
秦河漢端氏縣當在今沁水縣東北端氏鎮西北故  
沁水經其東陽阿當在今鳳臺陽城二縣之間濩澤  
水今日澤河出陽城縣西南岳神山卽古白澗嶺也

水東流積爲湖曰濩澤今已淤廢又東爲濩澤縣故城又東入于沁水其下清淵水陽泉水黑嶺水皆敘次顛倒令閱者茫然蓋秦川水入沁後當先敘黑嶺水次陽泉水次清淵水黑嶺水今日梅河出沁水縣西北烏嶺關卽黑嶺也陽陵爲古陽阿城在今鳳臺

縣西北境水逕城北而東南與固鎮之杏谷水合卽酈注之陽泉水其水正經鹿台山東流注沁水沁水又南有蘆水自西北來入之卽所謂清淵水水出濩澤故城西北東南流入沁沁水又南始與濩澤會茲乃逆推而上則脈絡紊矣上澗水卽今桑林河正出

析城山北東經底柱山北合澤河以入沁水陽阿水  
在陽城縣東南俗曰長河西南流入沁晉所建石門  
舊稱枋口在今濟源縣東北三十里永利渠五龍口  
沁水至此始入平地故經云出山朱溝爲石門分出  
之水南流溉田與廣濟河支流合東至河內縣入沁  
漢沁水縣屬河內郡在石門口南與今沁水縣異地  
又東南爲野王縣卽今懷慶府治河內縣也邗城今  
邗臺鎮在河內縣西北三十里丹水今日大丹河上  
游三源一出高平縣東北南流曰長河一出其西北  
丹林東南流曰浮雲河二水至城東北而合又南流

有小水曰許河自西北來入之又南至高都鎮西有蒲水出陵川縣西北之聖宮山西南流注于丹水酈注所謂絕水蓋卽長河長平水卽浮雲河泫水卽許河長平亭在今高平縣西北二十里泫氏縣卽高平高都縣今爲鎮白水今日白河出澤州鳳臺縣東北南合縣西一水又東南經天井關有天井谿自西南來注之卽所云北流泉也又東南入丹水鄆城今稱期城村蓋相沿已久酈辨其非殊可不必光溝出焉者謂東南小丹河之水從此分出互見清水篇苑鄉城疑在今許良村自光溝首受丹水後其下爲界溝

爲長明溝又有白馬湖白馬溝至金亭西乃分二水  
一入蔡溝一南入于沁金亭當卽今金城鎮此處各  
渠交貫分合情形敘述多未明晰舊跡就湮益難徵  
實古懷縣在武陟縣西十一里今尙存懷城故址武  
德縣今武陟縣東滎陽在大河南與武陟斜對沁水  
至此入河其下所敘陂湖及諸小水均無可攷



水經注正誤舉例卷五

仁和丁謙纂述

吳興劉承幹參校

河水一

昆侖墟在西北去嵩高五萬里地之中也其高萬一千里河水出其東北陬屈從其東南流入于渤海又南入葱嶺山又從葱嶺出而東北流其一源出于闐國南山北流與葱嶺河合東注蒲昌海又出海外南至積石山下有石門河水冒以西南流

以上桑欽水經文

按昆侖爲河水所出中國古書紀載皆同惟所指之

地殊不一律昔漢武帝定于閩南山爲昆侖是以哈  
拉哈什河爲河之正源而釋氏書則謂阿耨達山北  
出徙多河入東北海是以澤普勒善河爲河之正源  
若此書經注並以葱嶺南北二河爲河之正源故此  
篇之首本山海經及淮南墜形訓河水出昆侖東北  
陬語專指喀喇濶魯穆山爲昆侖主體遂與漢武所  
定之河源不同其云去嵩高五萬里高萬一千里皆  
古人誕語存而弗論也

又按此段經文當分爲四小節起首至入于渤海爲  
第一節蓋合重源再出而并言之故云入中國之渤

海酈注引山海經從極之淵深三百仞語係屬誤會以不知此爲河水全篇之提綱也屈從其東南流句與上文昆侖墟在西北相呼應夫昆侖旣在嵩高西北則昆侖之水流入中國自必屈向東南蓋合全河東西以表明其方位又南入葱嶺山又從葱嶺出而東北流爲第二節上言出昆侖東北陬是指喀什噶爾河此則指葱嶺南源澤普勒善河也惟又從葱嶺出東北流句全趙諸本皆不載但云又南入葱嶺山以水性就下言凡水皆從山流出斷無反流入山之理無下語其可通乎茲采杜佑通典所引補入其一

源以下至注蒲昌海爲第三節言三源之水會合之  
後同入羅布淖爾又出海外至末爲第四節此節諸  
本均誤次於第一節後不但脈絡顛倒而渤海之外  
安有可出之道卽指渤海爲蒲昌海何蒲昌海又見  
於天下無此變易重複之文辭茲略一轉移詞義  
水道處處脗合矣石門卽積石山下重源涌出之水  
口西人謂重源顯處海平綫高於羅布泊一萬二千  
餘尺蓋河水潛入地中再由地中仰瀆而出故用一  
冒字以狀之此水初出時本西南流合南來一水折  
而東流至星宿海今所稱阿克坦河是也據經文此

段祗敘河水情形乃酈氏注中屢入西域印度諸水  
反致溢出題外又不審諸水源委矜其博洽援引羣  
書雜出不倫徒使閱者目眩揆其用意乃祖述釋典  
阿耨達山出六大水之文推衍爲此特揭出之如云  
一水西逕休循國南難兜國北河水又西逕罽賓國  
北又西逕月氏國南安息國北原作南誤河水與蛻羅跂  
締水同注於雷蕩海此河水指蔥嶺西出之縛芻河  
所敘尙明析惟不曰縛芻河而曰河水殊屬混淆遺  
誤後學甚多攷漢書休循傳國在蔥嶺西東距捐毒  
二百六十里以洪侍郎中俄交界圖核之當在後阿

賴嶺南大喀喇庫里湖閒難兜卽坎巨提國

一作乾竺特

縛芻河源出小帕米爾正當二國南北之閒特源水  
北流宜先難兜而後休循次序方順由帕米爾境南  
越因都庫士山卽今克什米爾國與英屬之旁遮普  
部皆古罽賓地故云逕罽賓北水西北流爲阿母河  
河北爲布哈爾國古大月氏也故云逕月氏南古縛  
芻河入裏海至明始改入阿拉海

亦稱鹹海

安息國在裏

海南故河逕其北知原作逕其南爲誤蜺羅跂締水

今日錫爾河源出喀什噶爾西北故浩罕部境西北

流迤南與阿母河會同入裏海見西人所繪古希臘

王亞力山大行軍所據地圖今亦改入阿拉海雷翁  
海見唐書西突厥傳卽裏海也復云山西有大水名  
新頭河一曰新陶水此卽今印度河復云又西逕四  
大塔北又西逕犍陀衛國北攷四大塔佛迹在今阿  
富汗國都喀布爾城東南又南有干達馬克城爲古  
犍陀衛國印度河出克什米爾東北繞國北而西南  
流蓋經二地之東北非正北也復云新頭河又西南  
流屈而東南逕中天竺國則大誤矣夫印度河自阿  
富汗國東南流逕旁遮普部西又南入西印度洋安  
得有屈而東南逕中天竺之理昔晉釋法顯由跋那

國東渡新頭河陸行八十由延

合中里千二百八十

始到摩頭

羅國經捕那河又南乃入中天竺境乃略去千餘里  
中間相隔之陸地強使新頭河合於恆水謬戾甚矣  
又逕四大塔北二語諸本皆附載於雷翥海後試思  
裏海以西自古不行佛教詎得有是况佛樓沙之高  
塔乃犍陀衛明見佛國記何得移北天竺地遠置於  
西域外乎又云阿耨達山西南遙奴薩罕恆伽三水  
皆入恆水然恆河共有五源此舉其三尙遺其二若  
枝扈黎大江乃雅魯藏布河下游恆水雖有分支入  
之要不能謂枝扈黎卽恆水且旣言阿耨達出六水



今所述縛芻新頭恆水及入中國之私陀河實止五  
水而東南流之雅魯藏布河不與其列無乃尙缺其  
一耶酈注之述恆水語雖較詳而牽扯錯亂難以理  
董不特周氏卮林譏其誤讀法顯傳謂原野之遄徂  
爲波流之所屆而已他如僧伽施國罽賓饒夷城迦  
維羅衛國藍莫塔並在恆水北迦那城則在恆水南  
皆相距頗遠非恆水東流所經若法顯傳之多摩梨  
軒引西域記大秦一名梨軒尤謬諸類此者多不勝  
糾今地學日漸昌明上列各水均有圖籍堪證復何  
取紛論雜說爰盡刪之用復水經之本義

蔥嶺之上河源潛發其嶺分爲二水一源出捐毒之國

東逕迦舍羅國逕歧沙谷上爲北河源一水東流逕無雷國

北北當又東逕依耐國北蒲犁國北又東逕皮山國北

北作南上爲南河又東當作東北與于闐河合河導于闐南山俗

謂之仇摩置自置北流逕于闐國西又西北當東作北流注

于南河南河又東逕于闐國北又東北逕扞彌國北又

東逕精絕國北且末國北又東右會阿耨達大水水出

阿耨達山西北北流逕且末南山又北逕且末城西東

北流逕且末北而左會南河會流東逝通爲注濱河注

濱河又東逕鄯善國北其水東注澤澤在樓蘭國北扞

泥城彼俗謂是牢蘭海也北河自疏勒逕流南河之北

疏勒北山水出北溪東南流逕疏勒城下北河又東至

温宿之南左合枝水北河枝水上承北河於疏勒之東

東

原作西誤

北流逕疏勒國北

原作南誤

又東北與疏勒北山水

合又東逕莎車國北

原作南誤

入于北河北河又東逕温宿

國南枝水右入北河又東逕姑墨國南姑墨川水注之

水導姑墨西北赤沙山東南流逕姑墨國西又東南流

右注北河北河又東逕龜茲國南又東左合龜茲川水

水有二源西源出北大山南其水南流逕赤沙山又出

山東南流枝水左派焉又東南水流三分右二水俱東

南流注北河東川水出龜茲東北歷赤沙積梨南流枝  
水右出西南入龜茲城川水又東南流逕于輪臺之東  
又東南流右會西川枝水又東南逕烏壘國南又東南  
注于大河西川枝水有二源俱受西川東流逕龜茲城  
南合爲一水水間有故城蓋屯校所守也其水東南注  
東川大河大河又東右會敦薨之水其水出焉耆國北  
敦薨之山二源俱導西源東流分爲二水左水西南流  
出于焉耆之西逕流焉耆之野屈而東南流注于敦薨  
之渚右水東南流又分爲二左右焉耆之國南會兩水  
同注敦薨之浦東源東南流分爲二水俱東南流逕焉

耆之東導于危須國西又東南流注于敦薨之藪溢而  
爲海敦薨之水自西海逕尉犁國又西出沙山鐵關谷  
又西南流逕連城又屈而南逕渠犁國西又東南流逕  
渠犁國又南流注于河河水又東逕注濱城南又東逕  
樓蘭城北原作南誤河水又東注于泐澤卽經所謂蒲昌海  
也水積鄯善之東北西接鄯善東達三沙爲海之北隘  
故蒲昌海亦有鹽澤之稱也其水澄停冬夏不減卽河  
水之所潛而出于積石也○以上爲酈氏注第一段

按酈注此段於天山南路各水極爲明析意當日有  
專書可攷故能如是惟詳察情形其時南河北河出

蔥嶺後各行一道不相通連直至且末國方云左會

南當作北

河會流東逝通爲注濱河知與今水道多不

相合諸家校注各以己意合并剖分尤覺脈絡難尋  
茲以南北河爲二平行綫凡出南而北之水統於南  
河由北而南之水統於北河庶幾朗若列眉古今同  
異遷改之形不難推測矣攷漢書捐毒國東南至疏  
勒南與蔥嶺屬蓋在喀什噶爾西北蘇約克山東察  
提爾湖旁今河之北源烏蘭烏蘇河上流曰克則勒  
蘇河出阿賴嶺東喀喇別里山西北正當捐毒南境  
分爲二水者謂其西休循所出阿母河上源已見前

注迦舍羅國當在疏勒西南愛依阿提山中後有專  
攷歧沙谷當卽克則勒山東烏蘭烏蘇河向東與瑪  
爾堪蘇合流處北河又東左會喀浪圭迤北二水又  
東南歧爲三支逕疏勒疏附二城之間右會改子河  
卽雅滿雅爾河左會圖舒克塔什河合而東逝無雷  
國當在讓庫里北境故漢書以爲北接捐毒西接大  
月氏南至蒲犁蒲犁南爲依耐今南河之源尙出依  
耐西南知在無雷南而非北明矣依耐蒲犁攷亦詳  
後以上注義先揭明北河南河之發源下再分敘今  
按烏蘭烏蘇河自科則勒山東南合西來之瑪爾堪

蘇河東逕愛依阿提山北方出山口皆歧沙谷也改  
子河上源曰喀喇租庫河出烏攷別里山北東北流  
逕木吉卡折東南至布倫庫爾受小喀喇庫里湖北  
出之水又東流逕格茲山峽逕英吉沙爾西北境至  
疏勒之南合於北河此河略短酈氏不復詳述前人  
漫指爲蔥嶺正源並以小喀喇庫里爲元奘游記之  
大龍池均臆說無稽至南源之澤普勒善河出坎巨  
提國北山其國卽漢難兜有三小水合東北流曰塔克敦巴  
什河又北逕塞勒庫爾城卽古依耐國又北與烏帕  
朗河會又北折東合喇斯庫木河此河來源最遠出



葉城縣南喀喇崑崙山山南屬拉達克部克什米爾

迤東一小國也西北流數百里繞喇斯庫穆山至密

爾岱山西

卽古羣玉山

折東北與塔克敦巴什河合乃曰

澤普勒善河亦稱葉爾羌河河之北直英吉沙爾南境古蒲犁國也又東北流逕葉城縣西方出山峽北

河南河流行蔥嶺山內時大略如此南河出峽後迤

東北流逕莎車府東北古皮山國北境合聽雜阿布

河惟此河今已瀦入於沙不相通貫南河又東北逕

巴楚州會北河斜越沙磧逕于闐國北漢于闐故城

在今和闐州西南光緒中疆吏改克勒底雅爲于闐

縣殊失考也州有大水二一出東南冰山曰喀喇哈什河西流折北置者郵遞之名此河出處當時有仇摩置驛故云一出東南喀朗歸山曰玉隴哈什河二河以喀喇哈什來源特長故漢武帝定于闐南山爲崑崙以此爲河之正源玉隴哈什較短經注皆不之及未免疏漏此二水均北流夾于闐城而過又北合爲一又北越沙磧與蔥嶺南河會自此迤東北流逕扞彌國北扞彌見漢西域傳在于闐東三百九十里今爲克勒底雅城有克勒底雅河北流瀦於沙西域水道記謂河北流三百里入大河者蓋今昔之殊精

絕國漢書云在扞彌東北四百六十里今克里雅東

少北三百餘里尼雅河東有尼壤故城當為古精絕

南境又東北三百數十里安都羅當為戎盧國北境

又東北四百一十里卡牆村即漢且末國也陶氏辛卯侍行

記卡牆舊名策爾滿即且末西北有古城隄周十餘里洪氏圖訛作車爾成西南有烏魯

克河出託古茲達坂西北流合阿拉共河北至卡牆

曰卡牆河此即且末水亦即阿耨達大水東北為注

濱河者也舊時圖籍未載故董方立亦不知所在卡

牆河折東北流逕塔得朗凹石峽有古城凡約六百里

至卡克里克之北羅布莊入於羅布淖爾卡克里克

在淖爾西南一百四十里卽樓蘭國

辛卯待行記有古城周十五里

卽西域記之納縛波漢樓蘭也光緒末疆吏於此設

媯羌縣不知古媯羌在東南柴達木境矣卡克里克

又東一百里密阮有古城周三里疑卽鄯善之伊循

城密阮北數十里阿不旦左右皆湖踰湖北行三日

有廢城蓋 鄯氏所云逕于闐扞泥精絕且末北者皆

卽扞泥城

中隔戈壁非直貫其國漢書稱南道從鄯善徬南山

北沙河厯精絕扞彌以至於闐必溯且末水西行鄯

注正與吻合惟古時南河直東流且末水先會南河

後注澤後世南河於温宿卽會北河而卡牆河則逕

自入澤耳其北河旣自疏勒南逕流南河之北而疏

勒北山復有一水出蘇約克嶺曰圖舒克塔什河東

南流至今疏勒府東伽師縣西卽古疏勒國境會西  
來之雅滿雅爾河而爲蔥嶺北河又東逕巴楚州北  
境又東北至烏魯司克會蔥嶺南河又東北至溫宿  
府東南會烏什河所謂北河枝水也此河源遠流長  
酈氏僅附載一語不著其名亦嫌過略其水出俄屬  
布魯特境阿特巴什山西麓東北流曰阿克賽河又  
東流入內地合西北來之畢底爾河凡行八百餘里  
逕烏什廳城南迤東南爲渾巴什河逕溫宿與北河  
合阿特巴什卽元大典圖阿忒八升其時察合台後  
王建行宮於此以避暑地頗繁盛今故迹已湮酈注

云北河枝水上承北河於疏勒之東西北流逕疏勒國南又東北與疏勒北山水合又東逕莎車國南此一段觸處皆誤夫蔥嶺之水皆東流斷無西流之理枝水既上承北河於疏勒東何得西北流復逕疏勒之南且莎車國地在疏勒東南疏勒之水何得逕其國南董氏遵信所言至欲移漢莎車國都於巴爾楚克地以合其說亦太僞矣惟近世北河未合烏什河前已與南河會而當時則南河別行北河直向北流合烏什河又北至溫宿國南阿克蘇河自西北來入之此別一左入之枝水也今南北二河合後又東爲

塔里木河逕拜城縣南卽古姑墨國地又東逕庫車  
州南卽龜茲國也有渭干河出拜城西北曰木札拉  
提河東南流逕庫車州沙雅縣入於塔里木卽姑墨  
川龜茲川焉但後代形勢變更不能強同以北河改  
道附入諸水不能仍其舊形古時北河於何地與南  
河會未有明文惟所敘東川水及枝水不云東南注  
于北河而云注于大河似指兩河已合而言其上言  
逕輪臺東烏壘南知其會合處必在今鄂根河塔里  
木河東輪臺在布古爾地近立爲縣烏壘故城居其  
東爲策特雅爾地渭干河支渠逕其南分爲南北二

河其閒有數小水與塔里木交互通流當卽東川與  
枝水之故道敦薨之水今日海都河海都者回語曲  
折也其經流均在焉耆國境卽喀喇沙爾地有東西  
二源西源分二水左曰小裕勒都斯河右曰大裕勒  
都斯河左水出和屯博克嶺北西南流四百里與右  
水合右水出那喇特山東合左水轉南而東出峽名  
海都河東南流與東源合東源曰哈布齊垓河亦出  
和屯博克山南合眾谿澗南流入海都河酈注分二  
水者蓋當時邊裔圖記疏略誤以哈布齊垓水與楚  
候河連接楚候河一名奇魯胡圖河出焉耆府東北



察罕通格山南流入博斯騰泊故逕焉耆之東危須  
之西危須故國當在泊東北曲惠莊漢書云焉耆西  
去都護治所四百里危須則五百里可知危須在焉  
耆東百里董氏謂危須卽喀喇沙爾誤至海都河逕  
焉耆西又分二水左右焉耆之國證以唐書郭孝恪  
傳言其城四面有水形勢正符今海都河僅環城西  
面東面之水已絕流矣後漢書言焉耆有海水曲入  
四山之內周匝其城三十餘里以其時焉耆國城距  
海祇十餘里

見魏書

故海水分汜得近城旁上與海都

河南下之二支相接注所云敦薨之渚敦薨之浦卽

此其東源下游別云入敦薨之藪按風俗通曰有草木魚鱉爲藪蓋東源水小故海澨較寬多產生物余初疑渚字浦字藪字意複語歧迨廣爲攷證始知無一字虛設也敦薨上游之水旣逕渚浦與藪南流方云溢而爲海卽博斯騰泊或作巴格赤喇湖東西廣二百四十里南北僅四十里西海者湖水之西也蓋湖水由西流出俗稱下海都河西北流折西南尉犁故國在其東董氏謂在布古爾誤也徐松謂卽庫爾勒與鄯注形勢不合又西南一百里至哈爾哈阿璊兩山夾峙卽沙山鐵關谷亦卽晉書所謂鐵門遮留谷也又西南四十里逕庫爾

勒漢城南回城北又西南瀦爲布它海折東南百餘

里爲共奇河逕新平縣南

舊稱什尼夏古之連城渠犁富在縣西

又東

南一百七八十里逕沙儿布拉克會英氣蓋河卽渭

干北河也又東南三百餘里至蒲昌城北

舊名都納里光緒十

八年新疆巡撫陶奏築此城設屯營及招徠局其地爲唐交河郡蒲昌縣西南境也塔里木河

合渭干南河

在新平西南

逕蒲昌城西南與東南所在沮

洳支渠四出與共奇河午貫交通又東南三百七十

里和兒罕二河合而爲一近古注濱河矣又東南八

十里入羅布淖爾卽牛蘭海爲樓蘭之轉音回語曰

喀喇布朗庫爾譯言黑風與泐澤之義正合古時蒲

昌海卽鹽澤廣千里故能盪覆龍城今被流沙所淤  
僅存十分之一磧中往往有澤是古合今分耳

迦舍羅國攷

迦舍羅國古籍不著其名似無從攷稽實不然也夫  
北河源出捐毒東流卽逕其國是其地尙在歧沙谷  
中大勢已可概見攷徐氏西域水道記赫色勒嶺水  
卽烏蘭烏蘇河發源東流三百四十里逕愛依阿提嶺北此  
嶺一名布斯塔格山在瑪爾堪蘇河南爲蔥嶺東行  
之山麓迦舍羅國必在此嶺間據原文所引釋氏西  
域記云有國曰伽舍羅逝此國狹小而總萬國之要

道又云城南有水東北流出羅逝西山卽蔥嶺也此  
雖寥寥數語於其國境形勢確然蓋指布斯塔格山  
西庫穆別里山南巖谷間之一小平原其證有三一  
則城南有東北流之水此水名塔爾阿爾特河東北  
入瑪爾堪蘇河再與北河合他處之水流向不能相  
同一則蔥嶺在其西爲羅逝水所出羅逝卽迦舍羅  
逝之省文此山實阿賴嶺南蔥嶺之正脊故曰卽蔥  
嶺亦非他處之山可擬一則國雖僻居山內而東南  
可通色勒庫爾西南可達帕米爾西北及西可抵阿  
賴嶺與大喀喇庫里湖自此以外道路交通可至印

度可至西亞故云總萬國要道殊為非誣上均見洪氏地圖

更非他處地勢所得並言且其國有城不等游牧部落隨時移徙然則迦舍羅國之所在不確有可指哉

董氏殘稿謂即元奘游記之奔攘舍羅按元奘自印度返國係由帕米爾東行至竭盤陀國今塔什庫爾

干也奔攘舍羅在其東北二百餘里徙多河旁即南河

乃好善僧徒構立館舍以接濟雪中之行旅地僅百餘頃但稱福舍即奔攘舍羅之義

不以國名西域記文可覆按也而以釋北河所逕之迦舍羅詎有當耶

蒲犁依耐二國攷

蒲犁依耐二國攷

漢書西域傳蒲犁依耐與各地相距道里頗參差不  
易攷定如云蒲犁去長安九千五百五十里依耐則  
萬一百五十里是依耐遠於蒲犁六百里蒲犁去都  
護治所五千三百九十六里依耐則二千七百三十  
里似依耐反近於蒲犁二千六百六十六里有是理  
乎知蒲犁傳所謂五千實二千之訛是依耐仍遠於  
蒲犁三百二十四里試以今驛程證之自西安至新  
疆南路布古爾台卽漢都護駐地計七千八十五里  
則蒲犁距此當二千四百六十五里依耐距此當三  
千六十五里與蒲犁傳較差遠六十九里與依耐傳

較差近三百三十五里然俱不甚懸殊由是觀之蒲

犁近而依耐遠可瞭然矣余初著漢西域傳攷證本

定蒲犁在金濶勒河地

見洪圖

依耐在塞勒庫爾地

卽塔

什庫爾于

自新疆巡撫饒應祺奏設蒲犁通判於塞勒庫

爾謂卽漢蒲犁國一時過信其說改而從之後細核

原文不免遠近倒置

今書雖出版當改仍其舊

茲讀酈汪南河先

經依耐後經蒲犁證據尤爲確鑿而蒲犁傳言南與

西夜子合接西至無雷五百四十里方向道里亦極

脗合若依耐傳亦言南接子合則東南而非南矣蒲

犁西南距依耐約二百數十里而二國之至莎車皆



五百四十里者以大路順南河東北行里數略相等也若北至疏勒依耐僅遠於蒲犁百里以依耐有山道可通不必經蒲犁故較捷耳

附錄光緒五年十月十一日左宗棠奏是年七月安集延合布魯特酋窺色勒庫爾通政使劉錦棠率各軍由喀什噶爾進剿次日抵英吉沙爾分派諸將於八月朔過忒齊牙克嶺得色勒庫爾被圍請援報改由山路急進初三日至勤的克地方知賊已北遁初四又改道北趨踰卡拉塔什嶺知賊竄至布倫可西南距色勒庫爾四站距大軍約二百里乃於初五日

四鼓兼程急追二日一夜馳三百餘里至空台根滿  
斯人馬疲乏然不猛進則賊遠颺遂選步騎之健者  
先發午後追至木吉與賊接戰鎗斃其酋賊大潰追  
至卡拉阿提天晚收隊初八又及賊破之初九至黑  
子拉提嶺潰賊僅存百餘過山卽俄屬阿來地界乃  
止是役殺賊二千數百名因飭各軍由阿依阿提嶺  
回防是摺敘喀城西南至色勒庫爾地勢極明析可  
爲蒲犁忍耐等國之證色勒庫爾圖作塔什庫爾干  
爲漢依耐國地勤的克卽洪圖金濶勒河爲漢蒲犁  
國地阿依阿提卽水道記愛依阿提也

南河北河分合之地今與昔異說

自漢以至六朝蔥嶺南北河皆分流直至龜茲東南方合流以入蒲昌海不知何時於莎車東北境已合爲一不復分流紀載鮮少無從參考然時代雖不可考而所以改道之故其形迹今尙顯然自來治河者皆謂下游淤闕上必潰決知此道之改非南河徙入

北河乃北河徙入南河北河之上游曰烏蘭烏蘇河

亦曰赫色勒河

圖作科則勒河或作和色爾河皆屬音轉

烏蘭蒙古語赫

色勒回語義均爲赤故唐書附載賈耽記直稱之曰赤河蓋此河發源於赫色勒嶺卽西域水道記喀卜

喀山以此山體皆沙其色正赤故也沙隨水行河色亦赤迨東至平原滯留日多漫延廣濶今温宿以東赤沙高壅因名之曰赤沙山北河既由温宿經姑墨龜茲之南姑墨龜茲諸川並自北而南流入於河則山之赤沙自必橫衝入河始則流窄繼且阻遏不通下游既塞上游橫決別出勢所必然觀酈注情形已汲汲不可終日迨賈耽所述由撥換城卽漢姑墨南至于闐僅渡赤河不云更渡黑水卽南河知其時兩河已合爲一矣惟北河改道姑墨龜茲諸川失其所歸於是水之較大者或聯合數枝循北河故道而行其較小

者或流入草湖或竟瀦於沙此與酈氏所云支派分合之形不能一一脗合之故也

河水二

河水又東入塞過敦煌酒泉張掖郡南河水又東自河曲逕西海郡南又東逕允川而歷大小榆谷北又東過隴西河關縣北洮水從東南來注之河水又東北流入西平原作卑誤郡界左合二川南流入河又東北濟川水注之又東逕澆河故城北又東北逕黃川城又東逕石城南左合北谷水河水又東北逕黃河城南廣遠城北又合烏頭川水河水又東逕臨津城北白土城南左會白

土川水又東北會兩川右合二水河水又東得野亭南  
又東歷鳳林北又東與灑水合又逕左南城南又東逕  
赤岸北又東洮水注之

上經  
文

按戴全趙校注本此段經文僅存又東入塞過敦煌  
酒泉張掖郡南及又東過隴西河關縣北洮水從東  
南來注之二節餘均改經爲注頗爲有見蓋經文通  
例凡言某水經某地皆用過字酈注皆作逕字可辨  
者一又經旣言河關縣北洮水注之不應其下又言  
洮水注之可辨者二況依原文按之地勢亦有舛錯  
可辨者三此則從漢魏叢書本存其故迹而已

河水重源發於西塞之外出於積石之山山海經曰積石之山其下有石門河水冒以西南流禹貢所謂導河自積石也河水屈而東北流逕於析支之地是謂河曲東北逕歷敦煌酒泉張掖南河水又東自河曲逕西海郡南又東逕允川而歷大榆小榆谷北河水又逕沙州北段國曰澆河西南百七十里黃沙沙南北百二十里東西七十里西極大楊川沙州於是取號焉地理志曰漢宣帝神爵二年置河關縣河水又東北入西平郡界左合二川南流入河又東北濟川水注之水西南出濫瀆東北流入大谷謂之大谷水北逕澆河城西南北

流注于河河水又東逕澆河故城北又東北逕黃川城  
又東逕石城南左合北谷水又東北逕黃河城南廣違  
城北又合烏頭川水水發遠川引納支津北逕城東而  
北注于河河水又東逕邯川城南城之左右有二水注  
于河又東臨津谿水注之水自南山北逕臨津城西而  
北流注于河河水又東逕臨津城北白土城南左會白  
土川水水出白土城西北下東南流逕白土城北又東  
南注于河河水又東北會兩川右合二水河北有層山  
爲唐述山下有封水導自是山谿水南注河謂之唐述  
水河水又東得野亭水

原誤南水

原誤東北流歷研川謂



之研川水又東北注于河謂之野亭口河水又東歷鳳  
林北與灑水合水導源塞外羌中東北流歷野虜中逕  
消銅城西又東逕列城東左合列水水出西北谿東北  
流逕列城北入灑水水又北逕可石孤城西又東北右  
合黑城谿水谿出西北山下東南流逕黑城南又東南  
枝水左出焉又東南入灑水灑水又東北逕榆城東榆  
城谿水注之水出素和細越西北山下東南流逕細越  
川出狄周峽右合黑城谿之枝津津水上承谿水東北  
逕黑城東注之榆谿榆谿水又東南逕榆城南東北注  
灑水灑水原作洮水誤右合二水左會大夏川水出西山二

源合會

原誤  
舍

而亂流逕金紐城南又東北逕大夏縣故

城南又東北出山注于灘水

原作洮  
水誤

灘水又東北故城

川水注之水有二源南源出西南山下東北流逕金紐

大嶺北又東北逕一故城南與北水會北源自西南逕

故城北右入南水亂流東北注灘水灘水又東逕枹罕

城南左合罕并南谿水出罕并西東南流灘水又東白

石川水注之水出縣西北山下東南流又南逕白石城

西而注灘水灘水又東逕白石縣故城南白石山北羅

谿水注之水出西南山下東入灘水灘水又東北左合

白石川之枝津水上承白石川東逕白石城北又東絕

罕开谿逕枹罕城南又東入灘水灘水又東北逕石門  
口皋蘭山水自山左右翼注灘水又東北出峽北流注  
于河河水又逕左南城南又東逕赤岸北洮水注之水  
出塞外羌中沙州記曰洮水與墊江水俱出嶺臺山山  
南卽墊江源山東則洮水源嶺臺西傾之異名也洮水  
東北流逕吐谷渾中又東北逕洮陽曾城北又東逕洪  
和山南城在四山中又東逕迷和城北甘枳亭歷望曲  
又東逕臨洮縣故城北洮水又東北流屈而逕索西城  
西又屈而北逕龍桑城西而西北流逕步和亭東步和  
川水注之水出西山下東北流出山逕步和亭北東北

注洮水洮水又北出門峽歷求厥川葷川水注之水出  
桑嵐西谿東流歷桑嵐川逕葷川北東入洮水洮水又  
北歷峽逕偏橋出夷始梁右合葷塏川水水東南出石  
底橫下北歷葷塏川西北流注洮水洮水又東北逕龍  
桑城東又北會藍川水水源出求厥川西北谿東北流  
逕藍川歷桑城北東入洮水洮水又北逕外羌城西和  
博城東左合和博川水水出城西南山下東北逕和博  
城南東北注于洮水洮水北逕安故縣故城西降狄道  
故城西又北隴水注之卽山海經所謂濫水也水出烏  
鼠山北高城嶺西逕隴坻又西北歷白石山下武街縣

南降狄道故城東又西北注于洮水洮水又北翼帶三

水亂流北入河

上酈道  
元注

此篇敘河水重源出後屈曲塞外二千餘里東流入  
西寧府境惟詳畧不均如西寧境中諸水縷析枝分  
雖極周悉而塞外所歷星宿海查靈鄂靈等泊及其

東河流九曲之情形均不之及當時羌境無由躬履

詳知然難厯今閱者之意茲取水道提綱與各種圖

志參合摘要以補其缺按河水重源出星宿海西北

巴顏喀喇山東麓元史誤以爲崑崙一統志辨之謂

卽古之大積石河自是東流名阿爾坦河星宿海卽

元史所謂火敦腦兒自源至此已行三百里矣又東南經查靈鄂靈二海又東曲折三百餘里水色始變綠爲黃又屈南轉東南流七百餘里繞大雪山南前人誤以此爲古大積石也至烏藍莽乃山折西流逕土爾扈特南前旗折西北至和碩特左中旗右中旗轉東北至和碩特南右翼末旗迤東流復轉東北入甘肅貴德廳西境自鄂靈海以東河流之小曲折及所併諸小水均不備述河自貴德東行由南來入之水較大者二西曰灘東曰洮其他皆細川及灘洮二水所受小澗也經云河東入塞過敦煌酒泉張掖郡

南蓋舉三郡以表地望中間實隔祁連大山如上文  
言南河過扞彌精絕中隔大沙漠之例西海郡在青  
海東北見湟水節允川當在青海東南輝特南旗大  
小榆谷在貴德西南通鑑注在積石軍西二百里積  
石軍見後河關縣原引沙州記澆河西南有黃沙百  
餘里稱爲沙州漢河關縣在此卽唐志達化縣黃沙  
戍今貴德西七十里龍羊峽也西平郡在今西寧府  
城稍西元和志禿髮烏孤分西平河南地置澆河郡  
唐改廓州當在今貴德西十里上閼門下閼門諸古  
城址酈氏所謂二城角倚者也南有煖水河出番地

完受族所謂澆河者矣黃川城今貴德東七十里注  
佐塘石城元和志廓州化城縣本後魏石城縣今巴  
燕戎格廳西境接貴德東北隅黃河北岸有沙沖寺  
之山查什郎溝蓋石城北谷也黃河城在石城東今  
沙沖山東南三四十里有金剛城南枕河濱疑在此  
也董氏謂卽湟河城非是攷通典前涼以廓州爲湟  
河郡是湟河與澆河同地也廣遠城卽唐書廣威縣  
屬廓州云本化成縣今貴德東一百六十里康家堡  
西北距巴燕戎境之金剛城三十里南有三岔河及  
清水河蓋卽烏頭川矣

清水河出西南達蘇爾海山東北流入河俗名烏魯奴河



爲循化貴德  
二廳分界處

邯川城後漢書馬武追擊羌到東西邯

卽此今爲巴燕戎格南六十里甘都堂堡臨津城攷

晉志張軌分西平置晉興郡所屬有臨津縣當在循

化廳東河州西北一百二十里積石關隋臨津關後

訛稱積石也白土城晉志爲金城郡屬縣今日白土

坡在巴燕戎格東南唐述山一名小積石山據鄒氏

圖在碾伯縣東南境其南近大河隔岸卽河州境元

和志枹罕積石山一名唐述山在縣西北百

此字七  
原脫

十里又云龍支縣積石山在縣西九十八里南與枹

罕分界蓋此山唐時爲枹罕龍支二縣所共轄也唐

地理志鳳林縣北有積石軍亦因於此董氏謂在巴  
燕戎格西胡氏圖繪於巴燕戎格北皆其支嶺歟唐  
述者羌語譯義爲鬼以山中時見神人故名山至巴  
燕戎格東南下有封水原作下封有水誤封水乃唐  
述水上源前人所解非是野亭口當在河南岸西北  
近唐述山處鳳林山元和志在河州北三十五里山  
北近河故云河逕其北酈注所敘灘水舛錯頗多如  
大夏川誤入於洮水末非惟灘水今尙稱大夏河據  
本文言水東逕金紐城南此城以北近金紐大嶺得  
名而嶺實在故城川南是大夏川斷不在洮水東北

可知元和志言鳳林縣本漢白石縣地又言石門山  
在鳳林縣東北二十八里而鳳林縣東南去河州八  
十里其地了然可指安得謂在河州西南董氏不能  
細辨隨原文位置而誤茲特審定移易之按灘水源  
出河州西南邊界烏蘭額爾吉山南番名志加阿馬  
河東南流經綽那搜爾山北又東合烏布興河河出  
西傾山東支麓東北流來會又東北卓楚番語楚  
卽水也自  
西南來入之又北至拉布楞城西與大那楚會水出  
烏藍額爾吉山北東流來入又東北流至拉布楞城  
東北有一水自西南來入之又北流經查里齊爾寺

東又東北會大夏川

上據法人所繪西藏圖視他圖較爲詳實

凡此皆當

日所謂塞外羌中野虜人所居地也消銅城當在志

加阿馬河北列城當在志加阿馬與烏布興河合處

之南故曰城居二水之會可石孤城當在烏布興河

東黑城當在卓楚東黑城水卽卓楚但此閒並無東

南流之水原文云黑城川出西北谿當作西南下所

云東南流均當作東北榆城當在拉布楞城西榆城

谿水卽大那楚素和細越羌人地名其西北山卽烏

藍額爾吉山也灘水合大夏川後始爲當日中國境

故至今以大夏河爲全水之總稱河出駙馬城西境

達那山亦羌人地東流經金紐城南攷已見前又經  
大夏故城南此爲兩漢大夏縣地而今大夏堡則元  
魏後大夏縣治也寰宇記元和志並云大夏縣西北  
至河州七十里以當日河州在故城川北僅隔金紐  
一嶺故耳若今河州則方向道里皆不相合大夏川  
東北出山注灘水卽出金紐山東南之峽故城川今  
曰洪水河南北二源均出西南而東北流南源之南  
爲金紐大嶺乃古河州與大夏分界之山故隋志亦  
言大夏縣有金紐山其二水中間之故城卽魏前枹  
罕縣治十三州志謂灘水在枹罕城南門前東過與

此川南源形勢確合枹罕魏改河州故唐後人書亦  
通稱此故城爲河州罕开南谿爲罕开羌所居方輿  
紀要有罕开谷在河州西谷卽谿之所從出十三州  
志曰廣大坂在枹罕西北罕开在焉卽此白石城元  
和志謂卽鳳林縣縣在河州北八十里灘水又東所  
經白石故城乃漢白石縣地與白石城非一處董氏  
合之誤羅谿水當在河州西北今無攷石門口卽白  
石山東臨灘水之峽口元和志石門山在鳳林縣東  
北二十八里卽皋蘭山門也蓋石門山東岸二山對  
峙灘水行於其中故曰口曰門下云灘水東北出峽

指出此口門再北卽入于河口與門之地址亦甚明  
顯左南城晉志言張軌置左南縣屬晉興郡十三州  
志石城縣西百四十里有左南城當在大夏河出口  
東北岸地爲古來黃河津渡晉書張瑁從左南渡河  
襲麻秋卽漢霍去病由焉支山北還軍至皋蘭山亦  
必於此渡河也赤岸卽河夾岸秦州記枹罕有河夾  
岸義熙中乞佛於此作飛橋三年乃成蓋地與左南  
城南北相對晉書張瑁屯河夾岸爲麻秋所破亦在  
此西傾山爲岷山北枝墊江今嘉陵江洮水發源在  
甘肅省西南界外青海轄境初出曰巴爾西河東南

流轉東北拉爾巴河由北來注之又東有二水亦由  
北注之又東始入洮州西界有五水並由南注之洮  
陽城在洮河南元和志云唐洮州治臨潭縣其城東  
西北三面並枕洮水卽指此城董氏以水北舊洮州  
當之誤曾城當在洮陽東沙州記曰強臺東北三百  
里有曾城城臨洮水漢建安二年羌攻南部都尉於  
臨洮遣馬防等救之諸羌退聚洮陽蓋洮陽與曾城  
接近故連及之洪和城魏爲洪和郡治元和志洮州  
貞觀初移治洪和故城八年復舊今爲洮州廳治三  
國志魏鄧艾敗姜維於侯和侯與洪音之轉也迷和



城洮水經其北卽魏書吐谷渾所修泥和城迷與泥亦音之轉城當在洮陽東臨洮故城今爲岷州治元和志岷州卽秦臨洮城可證索西城亦曰臨洮東城當在今岷州東北沙州記言東洮至西洮百二十里龍桑城卽魏志龍城縣屬臨洮郡當在岷州北龍里土司境門峽當在岷州北漫哈山西麓與隔岸之山相對處葦川水魏志洪和郡有葦州水當出洮州廳北東南入洮水又北歷峽董氏謂今狄道州南六十里有瑣林峽兩岸懸絕恐未必確以下文諸地決不盡在峽北六十里閒也葦塏川出東南渭源縣界西

北流曰沫邦河至狄道南六十里入洮桑城當在狄道西南土司境通鑑注晉南陽王保遷桑城欲自此奔河西者也藍川水魏志洪河郡有藍川縣水出其地故名亦洮西土司境外羌城當在狄道州南和博川晉書岷州有和博山其水出此亦洮西地安故縣漢志屬隴西郡西秦置安固郡故城在狄道州南降狄道卽今狄道州治寰宇記晉惠帝以狄道爲降狄道今州南里許有舊土城俗稱番城當卽降狄道故城隴水今日東峪水出烏鼠山北西北流入洮武街縣晉書惠帝分狄道置武街縣地當在今州城東

河水三

河水又東過金城允吾縣北又東過榆中縣北又東過  
天水北界又東北過武威媼圍縣東北又東北過天水  
勇士縣北又東北過安定北界麥田山河水又北過北  
地富平縣西又北過朔方臨戎縣西屈從縣北東流至  
河目縣西屈南過五原西安陽縣南屈東過九原縣南  
又東過臨沃縣南又東過雲中楨陵縣南又東過沙南  
縣北從縣東屈南過沙陵縣西又南過赤城東又南過  
定襄桐過縣西

上水經

按此下凡改經爲注各條均不錄入以省繁複

允吾金城郡治也河水逕其南不在其北西有湟水注于河湟水出塞外東逕西王母石室石釜西海鹽池北又東南流逕龍夷城又東南逕卑和羌海北東流逕湟中城北湟水又東右控四水導源四谿東北流注于湟湟水又東逕赤城北而東入逕戎峽口右合羌水水出西南山下逕獲羌城東又東北逕臨羌城西注于湟湟水又東逕臨羌故城北盧谿水注之水出西南盧川東北流注于湟水湟水又東逕臨羌新縣故城南又東右合溜谿伏溜石杜蠡四川左會臨羌谿水水發新縣西北東南流歷縣北東南入湟水湟水又東龍駒川水注

之水右出西南山下東北流逕龍駒城北流注于湟水  
湟水又東長寧川水注之水出松山東南流逕晉昌城  
晉昌水注之又東南養女川水注之水發養女北山有  
二源皆長湍遠發南總一川亂流出峽南逕長寧亭東  
而南入長寧水又東南注于湟水湟水又東牛心川水  
注之水出西南遠山東北流逕牛心堆東又北逕西平  
亭西東北入于湟湟水又東逕西平城北土樓南右則  
五泉注之泉發西平亭北雁次相綴東北流至土樓南  
北入湟水湟水又東右合蔥谷水水有四源亂流注于  
湟湟水又東逕東亭北東出漆峽又東流右則漆谷常

谿注之左則甘夷川水入焉又東安夷川水注之水發  
遼山西北流屈逕安夷城西北東入湟水湟水又東逕  
安夷故城左合宜春水水出東北宜春谿西南流至安  
夷城北原作南誤入于湟水湟水又東勒且谿水注之水出  
縣東南勒且谿北流逕安夷城東而北入湟水湟水又  
東左合承流谷水南入右則達扶期頓等四水北流注  
之又東吐那孤長門兩川南流入焉湟水又東逕樂都  
城南又東右會來谷乞斤二水左會陽非流谿細谷三  
水東逕破羌縣故城南六谷水自南破羌水自北左右  
翼注又東南逕小晉興城北又東與閣門河合卽浩疊

河也水出西塞外東入塞逕敦煌酒泉張掖南東南逕西平之鮮谷塞尉故城南又東南與湛水合水有二源西水出白嶺下東水出白岸谷合爲一川東南流至霧山注閣門河閣門河又東逕養女北山東南左合南流川水出北山南流入閣門河閣門河又東逕浩亶縣故城南又東注于湟水湟水又東逕允吾縣北爲鄭伯津與澗水合水出令居縣西北塞外南流逕其縣故城西又南逕永登亭西歷黑石谷南流注鄭伯津湟水又東逕允街縣故城南又東逕枝陽縣逆水注之水出允街

原作

縣之允

原作參

街谷東南流逕街亭城南陽非亭

北廣武城西又東逕枝陽縣故城南東南入于湟水湟水又東流注于金城河河水又東逕石城南謂之石城津又東南逕金城縣故城北有梁泉注之泉出縣之南山自縣北流注于河苑川水出勇士縣之子城南山東北流世謂之子城川又北逕牧師苑東西二苑城相去七里西城卽乞佛所都也又北入于河河水逕媪圍縣界東北流縣西南有泉源東逕其縣南又東北入河有水出勇士城西世謂之二十八渡水北逕其縣而下注河有赤曄川水南出赤蒿谷北流逕赤曄川牛官川義城三城川而北流注于河河水東北流逕安定祖厲縣



故城西北又東北祖厲川水注之水出祖厲南山西北  
流注于河河水又東北逕麥田城西又北與麥田泉水  
合又東北逕麥田山西谷于黑城北高平川水注之卽  
苦水也出高平大隴山苦水谷東北流逕高平縣故城  
東又北龍泉水東北流注之又北出秦長城西北流逕  
東西二太樓故城門北合一水水有五源咸出隴山西  
東水發源縣西南二十六里湫淵淵在四山中湫水北  
流出長城北與次水合水出縣西南四十里長城西山  
中北流逕魏行宮東又北次水注之水出縣西南四十  
里山中北流逕行宮西又北合次水水出縣西南四十

八里東北流又與次水合水出縣西南六十里酸陽山  
東北流左會右水總爲一川東逕西太樓北東注苦水  
苦水又北與石門水合水有五源東水導源高平縣西  
八十里西北流次水注之水出縣西百二十里如州泉  
東北流右入東水亂流左會三川參差相得東北同爲  
一川混濤歷峽峽卽隴山之北垂也謂之石門口水曰  
石門水在縣西北八十餘里又東北注高平川川水又  
北自延水注之水西出自延谿東流歷峽謂之自延口  
在縣西北百里又東北逕延城南東入高平川川水又  
北逕廉城東苦水注之水發縣東北百里山流注高平

川川水又北逕三水縣西肥水注之水出高平縣西北  
二百里牽條山西東北流與若勃谿合谿水有二源總  
歸一瀆東北流入肥水又東北流違泉水注焉又東  
北出峽注于高平川水東有山山東有三水縣故城高  
平川水又北入于河河水又東北逕眴卷縣故城西地  
理志曰河水別出爲河溝東至富平北入河于此有上  
河之名也河側兩山相對水出其間卽上河峽也世謂  
之青山峽河水歷峽北注枝分東出又北逕薄骨律鎮  
城在河渚上又逕宏靜鎮上河城典農城東又東北逕  
廉縣故城東又北與枝津合津水受大河東北逕富平

城所在分裂漑田北流入河今無水河水又東北逕渾  
懷障西石崖山西三封縣故城東又北逕臨戎縣故城  
西有枝渠東出謂之銅口東逕沃野縣故城南東注以  
漑田河水又北屈而爲澤南河出焉又北迤西溢于窳  
渾縣故城東積而爲屠申澤闕駟謂之窳渾澤河水又  
屈而東流爲北河東逕高闕南臨河縣故城北陽山南  
石跡阜西南屈逕河目縣北河又南合南河南河上承  
西河東逕臨戎縣故城北臨河縣南廣牧縣故城北二  
百許里東會于河河水又南逕馬陰山西又東南逕朔  
方縣故城東北自朔方東轉逕渠搜縣故城北逕西安

陽縣故城南田辟城南又東逕成宜縣故城南原亭城南宜梁縣故城南稻陽城南河陰縣故城北又東逕九原縣故城南西北對一城蓋五原縣之故城也河水又東枝津出焉石門水南注之地理志曰北出石門障卽北山也西北趨光祿城城東北卽懷朔鎮城其水自障東南流逕臨沃城東東南注于河河水又東逕稠陽縣故城南水決其西南隅又東南枝津注焉水上承大河于臨沃縣東流七十里北漑田南流二十里注于河河水又東逕塞泉城南咸陽縣故城南屈而東白渠水注之水出塞外西逕定襄武進縣北西北逕成樂城北魏

雲中宮南又西南逕雲中故城南又西北逕沙陵縣故  
城南西注沙陵湖芒干水出塞外南逕鍾山西南逕武  
泉縣原陽縣故城西與武泉水合泉出武泉縣故城西  
南水南流又西屈逕北興縣西南入芒干水芒干水又  
西南逕白道南谷口有白道城又西南逕雲中城北白  
道中谿水注之水發源武川北塞中南流逕武川鎮城  
西南流厯谷逕魏帝行宮東又西南厯中谿出山于雲  
中城北南注芒干水芒干水又西出塞外懷朔鎮東北  
荒中南流逕廣德殿山下厯谷南出陰山西南入芒  
干水芒干水又西南注沙陵湖湖水西南入于河河水

南入楨陵縣西北緣胡山歷沙南縣東北兩山二縣之  
閒南出楨陵縣在山南北去雲中城一百二十里縣南  
六十許里有東西大山山西枕河河水南流于赤城桐  
過二縣之閒濟有君子之名又東南左合一水水出契  
吳東山西逕故里南俗謂之契吳亭其水又東

原作  
西誤注

于河河水又南樹頹水注之水出東山西南流右合中

陵川水水出中陵縣西南山下東北流逕中陵縣故城

東又西北右合貸敢山水又西北逕善無縣故城西右

合吐文水北流西出峽入中陵水中陵水又西北右合

一水于連嶺北水出沃陽縣東北山下曰誥升袁水西

南流逕沃陽縣左合中陵水水又西南與一水合謂之  
樹頽水水出東山下右合誥升袁水又西南分二水左  
水枝分南出謂之太羅水右水西逕故城南俗謂之昆  
新城又西南流注于河河水又南太羅水注之水出東  
南山西北流上入字補逕武州縣故城南俗謂之太羅城又  
西北原誤南注于河河水又南此字補左得滴口水出西  
河郡美稷縣東南流入長城東合鹹水渾波水又東南  
逕西河富昌縣故城南又東謂之滴口右原誤左合一水  
出善無縣西南八十里西流歷呂梁山謂之呂梁洪河  
流激盪震天動地蓋大禹所闢以通河者也司馬彪曰



呂梁在離石縣西今於縣西歷山尋河並無遏阻至是乃爲河之巨嶮卽呂梁矣在離石北以東可二百有餘里

按允吾漢縣元和志故城在廣武縣西南一百六十里又云龍支本漢允吾縣後魏於此置金城縣董氏注唐廣武卽莊浪廳治允吾在其西南當在今平番縣西南河州北界湟黃會流之間其地均居河北故酈氏辨河逕其北之誤湟水上源曰波洛沖克克河按水道提綱云出青海東噶爾藏山元和志謂湟河亦名樂都水出青海東北亂山中西海鹽池當指青

海東之巴哈泊凡湖泊水不外流者其味皆鹹故青海境內鹽池極多董謂卽達布遜諾爾非是達布遜雖譯爲鹽然在青海西北幾及千里方位先背矣龍夷城爲西海郡治當在巴哈泊東波洛沖克克河濱故爲湟水所逕卑禾羌海卽漢志臨羌縣下闕駟所云西有畢和羌獻土王莽爲西海郡者也卑禾爲畢和轉音惟湟水當逕海之東北非正東也湟中城當在南北二湟源中間故以湟中爲名原注以爲小月氏地未確漢書小月氏保南山羌南山卽甘州南祁連山今大通河上游地距此尙遠蓋月氏餘種來降

錯居湟中者也四水東北注湟卽提綱所謂土爾根  
察罕河赤城當以赤嶺得名新唐書地理志鄯城縣  
西一百八十七里有天威軍故石堡城又西二十里  
至赤嶺西有吐番分界碑石堡東北有定戎戍疑戎  
峽口在此戍北鄯城西一百二十里有綏戎城當卽  
護羌及臨羌故城所在羌水蓋湟水南源四水之一  
疑今札藏寺西南塔兒灣山澗也盧谿水當是四水  
中最西南谿名今丹噶爾西南日月山有土爾根察  
漢河東北流逕洞濶兒寺察漢村入湟者也惟餘三  
水及溜溪等皆難確定臨羌新縣在湟水北臨羌水

疑今申中卡西山澗東南流入湟者龍駒水今丹噶  
爾西南有藥水出烏卜兔山東北流會白水又北入  
湟湟水又東逕西石峽鎮海堡至西寧縣西雙蘇堡  
左會長寧川水卽北川河河有二源西卽此水東則  
養女川也松山今阿爾坦山起大通縣西北繞縣南  
以抵其東南境晉昌城在大通縣治稍西南養女山  
在大通東北界闕駟謂之浩疊山今北川河上游曰  
布庫克河出和碩特南左末旗東北察漢鄂博圖山  
東南流出阿爾坦山閒入大通縣境逕峽門堡至縣  
城北右會陽化堡之水

自黑林口東北流  
蓋卽晉昌水也

又東南逕

李家堡左會東峽河自興隆堡北山南流逕廣惠寺何家堡來入即養女

川又東南過東峽橋元朔山南北川營北逕毛賀堡

長寧驛即長寧亭晉長寧縣在西平郡西北四十里魏廢縣為亭入西寧縣境逕

宋韓堡雙蘇堡入於湟迤東右會南川河即牛心川

也出西寧西南伏羌堡南拉脊山東北流來注牛心堆見唐書李靖及吐谷渾傳湟水又東

南逕西寧府北漢魏西平郡西平亭唐鄯城縣也土

樓山在今城東北五里五泉蔥谷今府南鳳皇山迤

東至十里鋪各小澗北流者也湟水又東抵峽口山

南在府東二十餘里亦名小石峽與西石峽大石峽稱三峽地阻險為湟鄯往來咽喉有堡寨

亦號關門府境關門甚多即漆峽矣於峽西受威遠堡水則

甘夷川也

出東北黃牙壑西流至化石山折南逕三城莊威遠營高羌堡總寨又南至朱家莊

入於峽東納顏蘇溝

出三十里鋪南邠土司境

蓋漆谷常谿也又

東南至平戎驛西左受石溝

出迤南札弄峽北流逕亂思觀堡又東北來入

卽安夷川也平戎堡爲漢安夷縣湟水於此東南流

入碾伯縣界右會水磨溝

出峴山西南流至平戎堡東北峽口堡南入湟卽

宜春水也

按原文作安夷城南南乃北字之誤董云別一安夷城在湟水北恐非

南岸

有巴掌溝高店溝口其勒且谿歟湟水又東南逕四

望山南大石峽北左受弩木溝自龍泉山南來則承

流谷水也右合馬哈拉溝峯堆溝蓋達扶期頓諸水

也又東南逕碾伯縣南卽漢樂都縣趙充國傳作洛

都後涼呂光始立郡南涼禿髮烏孤徙都此北魏爲鄯州隋並置湟水縣宋曰邈川城明改碾伯縣古樂都城在今縣西二里湟水又東南左受勝番羊官虎浪三溝蓋卽陽非流溪細谷也右受岡子雙塔二溝卽來谷乞斤也又東南至老鴉驛堡之南西寧府志謂卽漢破羌縣地左納白崖山水右納普化寺水又東南逕上川口北享堂堡南左會大通河卽浩亶河也而小晉興城當在上川口左右矣水道提綱謂大通河較湟水尤長本當爲湟水正源茲附於湟水者從酈注體例由西而東敘次順便也此河源出青海

西北阿木尼厄庫山曰烏蘭木倫河東流百五十里  
有哈爾渾河北來注之又曲折東北流有滿楚喀河  
自西北來會又東逕甘州山丹縣涼州永昌縣祁連  
山南約六百里北受小水六南受小水五至永安營  
南蓋古鮮谷矣又東流左受白水及老虎溝當卽湛  
水又東逕北大通營南撥科達坂之北稍東北有他  
拉河自塔爾山南流入之河南雪峯延亘卽霧山與  
養女山也又東歷楚瑪爾山陽有水自北注之又東  
逕燕麥堡北此爲大通縣東北境與西寧縣極北接  
壤地折東南逕朱古寺入平番縣境逕天堂寺歷古



城土司南界近漢浩疊縣矣又南逕峽山連城二土  
司境及西大通縣丞馬軍紅山窰街各堡至海石山  
南入於湟水湟水又東流北爲平番界南爲碾伯境  
右受下川口水又東歷河州北境白家川平番之青  
土坡大王莊入皋蘭縣界至達家川之南河州焦家  
口之北入於大河漢浩疊縣按之酈注形勢當在廣  
武縣西北元和志在廣武西南一百三十里其南字  
蓋北字之誤今平番縣鎮羌驛西古城溝土司近大  
通河

東天殆近之矣允吾故縣今下川堡以東焦家口迤

西康家堡等地當河州極北境其西接碾伯北平番

東皋蘭四邑犬牙相錯適爲湟水與大河會流處

餘詳

前令居縣故城今通遠驛西連城土司令本音連也

湖水甘肅舊通志以可可川自古浪縣安遠堡南流

逕紅城子入湟者當之然光緒壬辰甘肅新測地圖

卽咨送會典館者大通河之東莊浪河以西無此長流之水

其閒萬山突兀不容巨川或前人傳誤或僅指一澗

谷歟鄭伯津卽允吾北湟水之濱允街故縣後漢書

桓帝紀注音緣皆寰宇記謂在昌松縣東南昌松今

古浪縣未免太遠酈注本近湟水則今西大通分縣

之南瑤街堡迤東是矣枝陽故縣一統志在平番南

蓋今南大通驛紅城堡等地也逆水前人皆言是莊

浪河舍此更無大水惟酈注謂南入湟而今莊浪河

則徑入大河一統志謂水道變遷然河口多山未易

遷徙恐酈氏誤歟莊浪河出武威縣祁連山南曰炭

東南逕金羌達坂之南以產金名又東逕馬牙山南

後山前山番族鎮羌營北又東南逕岔口武勝二驛

之東平番縣莊浪營城南大通驛之西又南流逕青

寺紅城野狐諸堡又東南逕苦水驛及皋蘭縣屬紅

巖子河口堡街亭陽非並見十六國春秋皆在平番

東入於大河西北境廣武故城卽漢枝陽縣在平番縣南石城在

河南曰青石山有青石關

莊浪河口之東沙井岡瀕臨大河北岸其渡處號石城津矣金城縣故城爲漢晉舊縣因魏

於允吾置金城縣在河之北故此云故城蘭州府志  
今州西四十里西固城地榆中縣後漢書靈帝紀注  
在金城縣東通鑑注在蘭州東五十里疑在買子堡  
左右勇士城在榆中東南今金縣東北太子營地曰  
子城者攷輿地廣記乞伏國仁據苑川城後曰子城  
縣是也當亦在金縣東北東古城夏官營等處苑川  
水卽金縣西南馬寒山所出之龕門河諸水東北流  
入河媪圍漢縣按晉書及十六國春秋作溫圍魏書  
作溫圍皆音之轉當在皋蘭縣北一百餘里白崖川  
祖厲漢縣其故城在今靖遠縣西南一百里會寧縣

北一百六十里之郭城驛祖厲川發源會寧東南曰南玉河西北流右受翟家所水又北至郭城鎮消河自東來安定縣水自西南來合爲祖厲河又北逕靖遠縣西入于河此水董注據舊圖不甚確合茲從鄒氏圖麥田城在今靖遠東北一百四十里蘆溝營與中衛縣接壤處黑城董云當在中衛縣南高平川水今日清水河大隴山卽固原州南隆德縣東六盤山也高平漢縣爲安定郡治卽今固原州城秦長城遺址元和志在高平縣北十里較酈注差五里或異代丈尺不同或圖說稍岐歟原文水有五源云云依酈

亭所敘似當作「形證之胡文忠圖汪梅村楊惺  
吾水經注圖皆相牴牾不獨胡汪諸圖未能與酈注  
脗合卽以胡圖參攷鄒氏圖亦多不合干載以上地  
形未易深究況僻在西戎酈氏亦自言地理淪移不  
可復識所錄安知無誤乎茲依甘省新測圖敘明清  
水河原委則昔人所言孰誤孰否閱者可自得之矣

清水河出固原州南三十餘里開城嶺北流左有  
馮家莊之水東流來入之又北逕青石峽左受馬家

莊水又北至固原城南左受羊坊水卽西海子  
之支渠繞城

東逕東岳山西左受北海子水一稱飲馬河州志謂  
卽酈注之龍泉一名

暖稍西北十里過長城梁卽酈氏所謂秦長城遺址

也按秦長城當不經此不知酈說何據又西北十餘里至馬家原右受

小水自東山西流來注之又西北逕頭營塘二營站左受冬至

河出州西南四十里西海子北流一名羊圈溝又北逕馬鬃山北有支渠東出明人導之以達州城者

也又北逕豐家堡姚家磨左受紅崖堡之水又北逕百合堡碾子頭折東北來入此疑卽酈氏所云五源

之水也但未能一一考實楊氏圖以胡圖小黑大黑等水當之然今新圖無之而確河則更在西南與清

水隔絕又西北逕楊郎莊左受阿馬溝又西北逕三營

驛距州七十里紅城子左受何家溝又西北逕潘家堡右

受紅溝有二源南源出官堡臺曰蔡家川西北流北源出白家垵曰紅溝西流約三四十里合於

大北山之北又西北二逕太平莊左受苦水河出海城縣

十里逕土門關來入

界七寶山東流二十餘里至東海壩入固原州境右  
受小水又東至李俊堡左受古城溝卽小南川也右  
納蒿艾里之水又東至三百戶莊右受戴底溝其上  
游曰天花溝北流匯諸澗逕偏城堡至滿四堡左會  
達坂溝又北入苦水苦水又東逕須彌山南毛家臺  
北折東北過太平莊入清水州志州北九十里須彌  
山有古寺卽宋石門關廳注石門 又西北逕四營站  
水當在此不知何時改稱苦水

左受相同川

出海城南將軍山東流七十里至路家  
入州境稍東南逕大臺子王家溝有

鄭旗營之水東南流逕界牌驛來注之川水折東南  
逕黑溝堡倪家堡至黑城鎮折東北來入疑此卽自

延水 又北逕孔巴莊七營鎮八營坡至高崖堡右受

倪家河

南源出澗子臺曰虎浪溝西北流北源出甘  
城子西南流約四十里合於雁門口又西北

逕盤河 又西北出州境右爲平遠縣西南界左爲海  
村來入

城縣東北界至秦家灘右受小水又西北過李旺堡



東西距海城七十里東南至州一百六十里疑是廉城新堡西至五百戶莊右

受蔡家灘之水俗稱蟄死溝南源出平遠縣南境丁連山北流屈曲四十餘里右合太和

山西流之水西北流逕馬家山三十里至新莊東源出花樹山西南流至馮家川左受一水又西南至林

家溝北源出黑王岔東南流三十里逕興山左會打狼溝又南十餘里過林家溝會東源又南與南源會

折西南逕預旺城青陽山南白崖子紅灣右有張兒水南流入之折西逕堡子山來入自預旺城至此約

六十里此水甚長疑是酈氏所云苦水然上文以高平川為苦水下文又別出苦水混雜失檢矣

西北逕虎家嘴右受鎮戎所西流之水又西北逕夾

道堡左受西安堡之水出海城縣西北五十里天都山北條子溝東流十里逕西

安堡右納一水又東北三十里逕老觀堡又四十里至關橋堡右受一水出海城西南三十里鎮黃川東

北流逕縣北殷家山又東北五十里來入又東二十里至北五臺右受一澗出縣東南二十里廟山東北

水經注正誤舉例卷五 四五 求恕齋

流左右挾二水合而來注又東北逕石峽口紅古堡入於清水俗亦稱甜水疑是古之肥水違泉矣或以

爲自延水一統志非之又西北逕王家川右受車沙嘴城城南有洞

子溝北有沙溝皆西流來入左受爛泥溝東流逕紅又西北至同

心城西東南距李旺堡七十里三水縣故城疑在此城東北惟酈注言去安定郡三百四十里則

此地嫌略近右受丁家溝出青沙山西南流來入左受李家堡之水

出海城西北一百里白圈子山東流逕蕭家里徐家套皆有小水東北流入之又東南至李司溝莊右受

紅柳川水又東逕邊牆堡李家堡入於清水清水又西北左岸爲寧靈廳

之西南界右岸仍平遠界逕吳家河堡右受苦水溝

出吳家山西南流注之又西北至周家河堡右受白石頭溝左

受金雞水又西北兩岸皆寧靈界逕馬家河莊左受

大紅溝

出白崖口東流逕六箇山吳布武山右受長流水又東四十餘里來入

又西北

入中衛縣東南境逕沙泉驛

東南距同心驛七十里正北至寧安堡六十里

長山左受狼溝又西北左右各受小水至是亦號山

水河又西北左受白土崖水

南源出校尉川北流西源出黃龍山東流合而

東北

逕紅崖莊入於黃河

南至沙泉約七十里東距寧安驛三十里北岸曰永

興堡在中衛縣東六十里

胡氏圖於鄭旗堡以北將此水偏向東

北斜接靈州大誤此處中隔大山不能相通鄒圖大

致尙合惟村落芟削太多毗連山水遂易混淆齊氏

水道提綱尤多疏略無待言矣眴卷漢縣屬安定郡

一統志在靈州西南二百里今中衛縣東境上河峽

世謂青山峽今稱峽口山亦曰青銅峽在今寧靈廳西南三十餘里富平故縣當在今寧靈廳地卽金積堡也薄骨律鎮爲唐宋時靈州在今州西南十餘里宏靜鎮據元和志言保靜縣本漢富平縣地後魏立宏靜鎮在今寧夏縣東南境上河城典農城當在寧夏縣東南廉縣漢屬北地郡當在今寧夏北枝津水卽靈州東北秦渠漢地理志注所謂河溝也此津鄜氏已云無水今仍通流蓋後所濬復董氏云下流數改其沿革當俟詳考渾懷障據元和志廢靈武城在懷遠縣東北隔河一百里本蒙恬所築城古謂之渾

懷障懷遠卽今寧夏此障當在河東鄂爾多斯右中  
旗界內三封縣漢初朔方郡治當在渾懷障西北河  
外臨戎縣後漢朔方郡治當在三封東北隔河相望  
地沃野亦漢朔方屬縣楊氏圖在鄂爾吉虎泊之北  
臨戎縣北之枝渠疑今大河東行之正流當時所謂  
南河北河均在其北故圖皆曰黃河故道言非今日  
所行之道也窳渾亦朔方屬縣在當時南河之西屠  
申澤今日騰格里泊縣當在泊西南濱高闕者卽阿  
爾布坦山南哈爾哈納山脈間南北之通道其南已  
有兩山對峙若門闕然故名遼史天祚紀所稱夾山

亦指此地臨河亦漢縣故城當在北河之南岸陽山  
卽哈爾哈納山東北行之脈河目漢縣屬五原郡在  
北假中凡自高闕以東河北之地當時皆稱北假陰  
山亦曰馬陰山此山與陽山之脈不相連屬山起於  
烏喇特旗境西北迤邐東行繞歸綏二城北又東北  
入大磧中侯應所云東西千餘里者是已朔方故縣  
以魏土地記核之當在鄂爾多斯右後旗境錫喇布  
里多泊北渠搜故縣當在左後旗西界西安陽故縣  
當在陰山南烏喇特府西南田辟城成宜故縣均在  
其東南原亭城宜梁故縣副陽城河陰故縣九原五

原臨沃三故縣城均以次而東石門水卽今崑都倫  
河出石門山北有二源東曰蘇拉木倫西曰哈喇木  
倫二水旣合穿峽而南入于大河光祿城當在蘇拉  
木倫河東魏懷朔鎮在其東北元和志光祿東北有  
懷朔古城在中受降城界秦九原郡地漢更名五原  
也碯陽故縣蓋在今包頭鎮左右當石門水下流之  
東故漢地志注言碯陽縣北出石門障得光祿城也  
塞泉城咸陽故縣均在薩拉齊廳境白渠水今稱黃  
水河一名金河出今陶林廳西西南流折西逕武進  
成樂二故縣閒成樂後稱盛樂魏初所都當卽今和

林格爾北上土城地武進在其東不知何地雲中宮  
據魏土地記成樂在雲中城東八十里宮在雲中東  
四十里漢雲中郡立於黃水河北濱宮亦在水北故  
河逕其南以上皆據鄒圖其他地圖河流形勢多誤  
沙陵故縣當在今歸化城西南黑水黃水二河中間  
渾津村廢城芒干水卽今黑水河源出察哈爾右翼  
廂藍旗境南曰德布色黑河武泉原陽二故縣當在  
河西南濱武泉水今哲爾德河武泉故縣在其上源  
東北故云出縣之西南北輿故縣在此水北白道卽  
出白漠之道白漠見魏書今由烏喇特旗西北三百



里之磧口度漠謂之黑漠由歸化城北踰坤都侖嶺  
度漠謂之白漠皆往外蒙古要路此云白道中谿以  
其地有三水東曰小圖爾根河西曰坤都倫河哈爾  
几河在其中故稱中谿水皆西南流入黑河魏武川  
鎮城濱于此水當卽白道城地塞水指坤都倫河攷

張鵬翮奉使日記出歸化城北行九里入祁連山

祁連

天也此一帶山亦通稱天山有土城廢址以此證之或卽白道南

口城歟記又云十五里踰峻嶺方言都倫大壩按此  
當作坤都倫達巴罕坤都倫橫也達巴罕嶺也猶言  
橫嶺又云六十里駐昆都勒必納昆都勒卽坤都倫

必納謂水猶言橫水卽此所云塞水矣胡氏地圖作  
克魯庫河水道提綱作黑勒庫河出橫嶺東北西南  
流入黑河黑河下游稱圖爾根河與黃水河會流入  
沙陵湖沙陵湖今日黛山湖在古沙陵縣西今托克  
托城北湖水西流入大河楨陵故縣當在托克托城  
南沙南故縣當在河西與楨陵斜對赤城在沙南縣  
南桐過故縣當在楨陵東南烏藍木倫河北君子濟  
黃河渡名一統志言湖灘河朔渡口卽古君子津是  
也契吳亭水出今河套內東勝廳境東南流入河原  
文東南作西南者誤樹頽水今日烏藍木倫河譯言

紅水據水道提綱烏藍木倫河上源曰兔毛河出平  
魯縣西南北流至殺虎口西出邊折而西流有察罕  
音圖河弩衡格爾河虎虎烏蘇河俱自察哈爾右翼  
鑲藍旗西南流來會循邊城而西舊名神水河在歸  
化城南一百八十里南受一水又西流至烏藍巴爾  
哈孫城西入黃河卽古中陵樹頽二水也以此證之  
平魯北境卽古中陵縣惟當時城在水西故水逕其  
東北善無縣漢雁門郡治十三州志謂舊定襄郡治  
今朔平府右玉縣南境也沃陽故縣以酈注攷之在  
參合縣西二十里東北至鹽池六十五里池北十里

卽魏涼城郡治是沃陽在沃水下流鹽池東南今寧  
遠廳西南境也鹽池今代哈泊烏藍巴爾哈孫城烏  
藍譯言紅巴爾哈孫譯言城卽上文赤城城在河西  
言紅水西流至赤城相對處入河也至東北來會之  
吐文水當卽察罕音圖河誥升袁水當卽虎虎烏蘇  
河樹頽水當卽弩衡格爾河亦卽所謂沃水但紅水  
諸源以中陵川水爲最遠樹頽水不過旁入小支乃  
經注均標樹頽爲全水之名殊與體例不合緣誤以  
樹頽水與參合水連接故也所以原文有云水又北  
分爲二水一水東北流謂之沃水又東逕沃陽縣故

城南北俗謂之可不湓城又東北逕沃陽城東又東合可不湓水水出縣東南六十里山下西北流注沃水合流而東逕參合縣南俗謂之倉鶴徑道出其中亦謂之參合口魏立縣以隸涼城郡縣北有都尉城俗謂之阿養城其水又東合一水水出縣東南六十里山下西北流注于沃水又東北流注鹽池池東西三十里南北二十里城西三里有泉東南流注池按此段謬誤甚多如分爲二水下至西北注沃水不但流向反背而所敘卽下文誥升袁等水是爲一地兩述又其甚者以沃水參合陂水合而爲一夫參合陂

卽今奇爾泊

別有參合陂攷見後潔水篇

西南與沃水距陸道三

百餘里山嶺閒隔無可通之理且此處旣以參合水西連於沃水而潔水篇復以參合東連於于延水不設而又誤乎況阿養城下忽插入東合一水云云此三句乃上可不湔水之重文橫梗舛戾致董氏不能作注意將樹頽水酈注盡刪之茲取近今地圖悉心稽核始悟其謬誤之故因雜采諸說湊集成文而然特芟之以絕葛藤至提綱所云南受一水卽酈氏所稱太羅河此水出平魯縣西北長城北面西北流合於紅水今謂之清水河太羅城在今清水河廳地古

太羅河當於紅水之南自行入河後始合併紅水然  
非由紅水分出地勢顯然乃謂樹頽水枝分南出曰  
太羅河又謂太羅水源上承樹頽水皆誤武州縣據  
十三州志在善無城西一百五十里正當太羅城地  
然漢武州縣卽唐之朔州而北魏武州一統志謂在  
左雲縣南則此處武州或魏所僑置歟滴水卽今府  
谷縣南九股河水出鄂爾多斯左中旗東爲漢河西  
美稷縣地東南流入長城有一溪亦自長城外東南  
來會當卽鹹水又東有一溪出北山南流入之當卽  
渾波水富昌故縣當在今府谷縣北滴水者滴水入

河處也河水右合之水出善無西南八十里今稱六  
澗河西流至河曲縣西南二十五里之天橋鎮其西  
有天橋峽卽呂梁山出峽之口卽呂梁洪呂梁險狀  
見莊子達生篇要其所以險者他書罕載多致誤會  
蓋因呂梁山峽由東突出水中阻礙河流而六澗河  
適從此出口橫互其處遂致互相擊薄水立濤飛震  
盪駭人與他處山峽束河於中者異呂覽淮南子言  
龍門呂梁未闢河出孟門以上不過謂禹功未施前  
河水溢入蒲坂平陽皆孟門以上低地酈氏引此云  
大禹闢以通河一若地本無河賴禹開鑿始得通行



者孟門地在河內縣西文選注孟門太行之阻可證

也如酈言又若孟門在呂梁之上豈非誤會也哉王

厚通鑑地理通釋引元和郡縣志呂梁故城在徐州

彭城縣東五十七里宋之呂邑漢為呂縣城臨泗水

高百四十尺周十七里蓋泗水至呂縣積石為梁故

號呂梁按此指彭城之呂梁乃後世附會而成並非

禹跡夫呂梁之名見於莊子何待呂邑呂縣面始有

況其地僅濱一綫之泗水所稱險處即坡詩之百步

洪何有懸水二十仞流沫九十里之鉅觀浚儀攷此

僅舉元和志之呂梁城不及水經注之呂梁洪疏矣

水經注正誤舉例卷五

西文豎書蓋門次詳之固可推

思誠禮言又昔孟門西呂泉之土豈非魏會也始

氣脈誠此脈脈脈里天呂呂與

高百四十八里

氣脈誠此脈脈脈里天呂呂與

將向言

前華天

將向言

將向言

將向言

將向言

後序

昔杜征南注左傳，捫爲釋例，而王輔嗣之注易，亦附略例一卷，蓋發凡起例，固箋注家所有事也。酈氏水經注，自宋以後，頗有治之者，或作爲圖以觀其脈絡，法亦良善。至訂立條例，則尙未有其書。丁先生此編，名曰舉例，洵乎綱舉目張，犖然其有當矣。惟其中義有可商，而不能不爲之釐訂者，漸江篇以西安縣之烏溪爲定溪，則在穀水東，以開化縣馬金嶺水爲蘇姥布水，則在穀水西北，中隔江山縣定陽溪，勢不能上承漳水篇中加雍水注之一句，非出酈氏原文。濡水篇中索頭水及武列

五渡高石諸水所在地楊惺吾圖皆遵大清一統志而  
丁先生全翻舊說亦未揭明前人誤在何處閱者無從  
釋疑河水一篇附攷西域諸地多據洪文卿侍郎中俄  
交界圖此圖藍本俄人重譯多誤茲以宣統初年新疆  
圖校正之河水二篇河曲積石湟水等處原稿據胡文  
忠舊圖多未密合以光緒中甘肅輿圖局之圖核改之  
又河水二篇中沿明一統志之誤以駁酈注之瀉水河  
水三篇謂契吳亭水東南流並力斥樹頽水沃水之誤  
而不知此皆酈氏所親歷者也又以甯夏塞外大河正  
流當酈注臨戎縣之支渠皆未允當又以酈說湟中小

月氏爲誤此又不知其本於後漢西羌傳也漢晉北魏  
縣邑當今何地丁先生所釋往往與一統志不同官書  
出於眾手原難盡信然一統志乃摘取各省通志及郡  
邑志多成於其鄉人縱或傳會未必全訛今爲訂正數  
處不敢盡改又漳水篇中斥工縣所在與元和志異蒲  
領縣慶陶縣與寰宇記異凡此皆其疏舛而未及理董  
者也至原稿多新名詞非攷古家所宜則均爲更易之  
云庚申上巳日吳興劉承幹